

2

EXERCITATIONES
GEOGRAPHICÆ
HYDROGRAPHICÆ, ET ANEMOGRAPHICÆ
DE NAUFRAGIO
DIVI PAULI APOSTOLI
EJUSQUE ADVENTU
IN INSULAM MELITAM ILLYRICAM
SIVE
MARE ADRIATICUM
SUIS FINIBUS RESTITUTUM;
AUCTORE
STEPHANO SCIUGLIAGA I. G.
RAGUSINO.

*Di Patrii servate domum, servate Nepotem
Vestrum hoc augurium, vestroque in Numine Troja est. Virg.*



VENETIIS;
APUD FRANCISCUM PITTERÏ:
MDCLVII.
SUPERIORUM PERMISSU, AC PRIVILEGIO.

OLD FASHION
HORSE RACING

THE
HORSE RACING

THE
HORSE RACING

THE
HORSE RACING

(III.)

ADMODUM REUERENDO PATRI

DIONISIO REMEDELLI

ORDINIS PRÆDICATORUM

Sacrae Theologiae Magistro, & in Bononiensis Athenæo
Publico Græcæ Linguae Lectori.

STEPHANUS SCIUGLIAGA I. G.

χαίρειν καὶ ἀγαπᾶντι.



*Elisa nostra Illyricæ obscuritas, multis
alias doctissimis viris caussa fuit, ut
nausfragium Divi Pauli Apostoli, Melisa Africana ad-
judicarent. Illa enim Ingens Gloria Insula, quæ lau-
dem omnem superat, quamque D. O. M. ut Fidei Pro-
pugnaculum, & selectissima totius orbis Nobilitatis Flo-
rem, semper Incolumen servet, lateque Victricibus ar-*

mis Triumphantem ad Christiani Nominis Gloriam tueatur; Illa, inquam, nata est Scriptores uberrimos, qui in obsequium Equitum Joannitarum omni Geographico, Hydrographico, & Anemographico themate neglecto, in ejus laudes animum omnem contulerunt.

Nos vero, cum Scriptores nullos haberemus qui Melitæ nostræ causam dicerent, inter angustos, domesticos tamen parietes nati sumus Eruditissimum Virum D. Ignatium Georgi Benedictinum, e Congregatione Melitensi Ragušina, qui Inspectionibus Anticritis Divum Paulum Apostolum in Mari, quod nunc Venetus Sinus dicitur, naufragum, & Melitæ nostræ Illyricæ post naufragium hospitem, validissimis argumentis evicit.

Illo supremis fati functo, F. Dominicus Thomas Valfredi, Te Praside, publice in Ecclesia S. Dominici Bononia, eandem Melitæ nostræ causam, selectis capitibus ad Sacram veteremque Geographiam, Hydrographiam, atque Anemographiam spectantibus, Græcorum præsertim Scriptorum testimoniis disputavit.

Ea tamen est aurei Rami illius, a Virgilio memorati, virtus, ut uno avulso alter non deficiat. Exinde factum est, ut Pater Rupersus Carmelita a S. Gaspare; D. Cot. Joann. Ant. Ciantar, & recentioribus hisce annis P. Carolus Joseph a S. Floriano; Ordinis S. Francisci

cisæ Reformatorum, Georgio nostro dira cecinerint, collectisque in acie jam expugnata, fractis & obrusis gladiis pro Melita Africana decertaverint.

Illorum itaque cavillationibus, commentis atque jurgiis, quibus mortuo leoni insultant, excitus, exercitationes has Geographicas, Hydrographicas, & Anemographicas exarare aggressus sum, ut, Te gravioribus curis impedito, si optimus deficeret, aliquis tamen non deesset, de gente nostra, & de Fratribus nostris Scriptor, qui pro Melita nostra causam diceret, & mutilatos falsosque Philo-Malsensium sensus, quibus toto orbi impune illudunt, detegeret.

Ut aliquid novi afferrem, neque in trita area crambem recoctam exhiberem; quoad ingenii mei angustia patiuntur; omnem curam operamque impendi. Argumentis usus sum iis, quæ recta ratiocinatione potius, quam uberima & redundanti eruditione fulciri videbantur: brevitati vero consulens, ea quæ potissimum me dicere oportebat, baud vero ea quæ dici poterant, complexus sum: Limata politaque eruditissimorum hominum judicia, non sine causa reformido; fateor tamen, me rebus potius quam verbis studuisse.

Si iam diu e vivis sublati non fuisset Doctissimus Georgius, opusculum hoc meum, ejus judicio ejusque ocu-

(VI.)

*Vix subiecissem: ille enim primus à nostris in hac arena
desudavit. Ea in quibus ab ipso dissentire videri, vel
aquo animu tulisset, vel acris ingenii acumine emenda-
ta, & correctâ limasset.*

*Tuum itaque nunc est, Pater Admodum Reverende,
qui adhuc superstes es, & ut diu superstes sis cupio,
Tuum inquam est, hasce meas qualescumque Exercitatio-
nes, castigare & sententiam tuam, si aliquando contige-
rit, interponere. Cum enim possis, cumque Totus Præ-
dicatorum Ordo, locusque quem nunc tenes, Te posse se-
stentur, ut mihi morem gerere, & officio curaque tua
velis adesse etiam atque etiam oro. Humanitati, & Be-
nevolentie Tue me commendo, & ut tibi persuasum fa-
cias maxime exopto, me haud dumtaxat communis Pa-
trie, & amicitiæ vinculo Tibi esse additum; sed ar-
denti amore virtutis, & Doctrinae Tue, mirum in mo-
dum ad Te diligendum inflammatum esse. Vale.*

EXER-

(VII.)
EXERCITATIONES

GEOGRAPHICÆ, HYDROGRAPHICÆ,
& ANEMOGRAPHICÆ

DE NAUFRAGIO

DIVI PAULI APOSTOLI

ÆFUSQUE ADVENTU

IN INSULAM MELITAM ILLYRICAM

SIVE

MARE ADRIATICUM

SUIS FINIBUS RESTITUTUM.

EXERCITATIO I.

§. I.



NUS (1) ex nostris, aream hanc de Divo Paulo naufrago, terere aggressus, D. Ignatius Georgi Benedictinus, e Congregatione Melitensi Ragusina; in illis suis Inspectionibus anticriticis anno MDCCXXX Venetiis editis, vehementer questus est de Claudio (2) Ptolomæo, qui sæculo secundo, ab orbe reparato, Geographum agens; primus omnium Maris Adriatici nomen, ultra (3) Ceraunia juga, & (4) Japygiam acram prolatavit.

(1) Ante Georgium, in hac arena defudavit Beroaldus, cujus tum auctoritatem, tum sententiam a Georgio prætermisam, miratus est Co: Joann: Antonius Giantar in Præfatione ad Dissertationes apologeticas anno MCCXXXVIII. Venetiis editas; idque a Georgio exconsulto factum suspicatus est, ut & nova, & nove dixisse videretur.

(2) Floruit ann. CXL. Imperante M. Aurelio, ut habemus ex Suida.

(3) Ceraunia quæ & Acroceraunia, (ἀνδρῶν Κεραυνῶν: i. e. fulminibus, quibus sæpe impetuntur) hodie *Monti della Cimarra*, ad confinia Epiri juxta Apolloniam (*Pallona*) ad discrimen Maris Jonii sive Siculi, & Sinus Jonii sive Adriatici.

(4) *Capo di S. Maria di Leuca*, vel *Capo d' Otranto*: illa quidem Apuliæ regio, quæ & Salentina vocabatur, dicta est Japygia, a *Japyge*, ut

(VIII.)

ajunt, Dædali filio. *Acra* vero *Japygia*, idem sonat ac *promontorium Japygium*, dicitur vero *acra* ab ἄκρος: i. e. *summus*, *extremus*, unde ἄκρα i. e. *summitas*, *extremitas*.

§. II.

Docent *Acta Apostolorum*, *Divum Paulum* jactatum fuisse in (1) *Adria*, & ab *Insula* quadam, quæ vocabatur (2) *Melita*, fuisse exceptum.

(1) *Navigantibus nobis in Adria*: *Vulgata*. Cum erraremus, & ser-
veremur in *adriaticum Mare*: *Syriaca*. διαφρομένης ἡμῶν ἐν τῷ Ἀδρία:
Græca. *Jactatis nobis hic & illuc in Adria* *Græca* eadem ad verbum
translata. Cap. XXVII. Verſ. XXVII.

(2) *Et cum evaſiſſemus, tunc cognovimus, quia insula Melite voca-*
batur: *Vulgata*. Καὶ διασώθεις τότε ἐπίγνωσαν ὅτι Μελίτη ἡ νῆσος
καλεῖται *Græca*. *Et servati tunc, cognoverunt quia Insula Melite voca-*
batur: *Græca* eadem ad verbum translata Cap. XXVIII. Verſ. I.

§. III.

Ex ἰκονομία (1) *Melitæ Africanæ*, & *Illyricæ* exor-
ta est inter eruditos contentio, qua quisque pro vi-
ribus ingenii, *D. Paulum* naufragum ab illa, vel ab hac
Melita exceptum fuisse affirmavit.

(1) Multi ex *Philomaltensibus*, nimio quidem in *Afro-Melitam* amo-
re & obsequio, ubique *Melitæ* nomen, huic *africanæ Insulæ* tribuunt, &
urbes *Cappadociæ*, *Armeniæ*, & *Africæ*, hoc nomine memoratas, cum
Afromelita confundunt. Multi vero alias docti viri, in *Afro-Melitam*
utpote celebriorem *D. Paulum* naufragum duxerunt, & nostris hisce tem-
poribus ducunt. Neminem ex illis nominamus: at quicumque ii sint, si
inter vivos versantur, ignorent; sin vero exceſſerunt, ipsorum manes
patiantur, nos ab illis dissentire. Ipsi enim graviore rerum pondere quo-
dammodo obruti, in *Adriæ* disquisitione, neque versari, neque elabora-
re dignati sunt; & *Melitæ* nostræ *Illyricæ* obscuritatem contententes
celebriorem illam *Africanam* exornare potius, quam *Geographico*, &
hydrographico themati studere maluerunt. Summorum virorum auctori-
tas, magni quidem nobis facienda est, at illud avτῶς ἴσα, neque cauti-
us nostræ, neque temporis accommodari potest. Quæstio omnis *Geographi-*
ca est. Argumenta itaque a *Geographis*, haud vero ab aliquo *Interpretum*,
vel ab aliquo *Ecclesiasticæ Historiæ* Scriptore sunt petenda. In ipsa in-
terpretatione atque historia, quod *Geographicum* est, *Geographica* ra-
tione constare debet. Scriptores Galli, ferme omnes, *Melitam* reddunt
Malthe. Angli accuratiores, nomen *Melite* vel in *Anglicana* versione re-
tinent. Nostræ *Melitæ* obscuritas, hac nostra ætate, doctissimum *Cham-*
berium

(IX.)

berium in tenebras egit; ille enim *Maurum Orbium* Benedictinum Abbatem e Congregatione Melitenſi (que Ragufina eſt) memorans, quaſi ex Melita africana eſſet, vocat, *Abboſ of Malibe*. Quid inde? Chamberii ne auctoritate, quæ ſumma eſt, Afro-melitenſes contra veritatis, & naturæ ipſius vim, nobis Orbium rapiant, ut D. Paulum naufragum rapere conantur? Ea tamen eſt aliquorum hominum infirmitas ut tricus, & vanis litigiis indulgere malint, genuinam vero, ac literalem quaſtionis anſam, tergiverſandi gratia, dimittere. Cum enim Sacer Hiſtoriographus Divus Lucas, Melitam aqua excepti ſunt, luculenter designaram & in Adria poſitam exhibuerit; quiſnam tergiverſationibus locus ſuperſit, haud facile dijudicari poteſt.

§. IV.

GEorgius (1) noſter aſpere criminatur Claudium Ptolemæum, quem hiſce tergiverſationibus occaſionem præbuiſſe aſſerit; Philomaltenſes vero, perperam Ptolemæum explicant: ita ut Geographus iſte, neque a Georgio noſtro diligenter perpenſus, neque a Philomaltenſibus rite explicatus, quum in neminem peccaverit, ab utraque parte torqueatur. Quaſtionis centrum eſt Adria. Ea itaque ex duabus Melitis, quæ in Adria eſt, Divum Paulum e naufragio ſoſpitem excepit.

(1) Ex eadem ratione contrariorum; ut ajunt Philoſophi; tum Georgius noſter, tum Philomaltenſes, eodem pede claudicant; diligenter enim Ptolemæo perpenſo, & explicato, Afro-Melitam inter Africæ Inſulas, & in mari Afro poſitam, ediſcere potuiſſent. Nuſquam Ptolemæus Afro-Melitam in Adria collocavit, vel mare Adriaticum cum pelago Afro conſuſit, vel Adriam ad Meridiem Siciliæ prolatavit. Melitam noſtram Illyricam Philomaltenſes ipſi, in Adria agnoſcunt, conſtitunt, concedunt; Afro-Meliram vero per inductiones, eaſque falſas, Adriæ adſcribunt. Quænam iraque Adriatica-Melita dicenda eſt? Ea neque commentis, fabulis, & cavillationibus ſulcitur, an hæc noſtra, quæ Geographorum auctoritate, quæ ipſo adverſariorum conſenſu in Adria ſita ſuit, & uſque in hodiernum diem Adriatici Maris Inſula vocatur? Nos Adriæ noſtri, primam originem, nos etymon, nos ejus fines expiſa, Hiſtoricorum auctoritate, ex ipſo Geographorum teſtimonio, elicimus, nos Adriam Domi, intra Domeſtica littora, ut olim habuimus, nunc quoque tenemus; Adriæ ſpiritu vivimus; Adriæ fructibus marinis, & velcimus, & ditamur. At quid Philomaltenſes ad hæc noſtra poſſeſſorii juris argumenta aſſerunt? Claudij Ptolemæi auctoritatem, quæ & erronea eſt, & contra ipſos eſt: Interpretum teſtimonia, quæ in prima peccant Geographiæ elementa: Eccleſiaſtica hiſtoriæ Scriptorum verba,

verba, quæ quidem cum Actis Apostolorum collata, naufragium Divi Pauli testantur in Adria; at Melitam Africanam in Adria illis temporibus sitam fuisse haud probant; neque *Calmetus*, neque *de Flueri*, neque *Mamachi* licet doctissimus, tanti sunt, ut privata ipsorum auctoritas, publica Geographiæ veteris jura evertat.

§. V.

Claudius (1) Ptolemæus Melitam, quam *Malta* vocant, in Africa collocat, & pelago Afro circumlutam luculenter designat; Melitam vero nostram Illyricam, quæ nobis *Mliet*, Italis *Meloda* est, in ipso medio Adriæ gremio describit. Quanam itaque de causa vel Georgius noster Ptolemæo, licet erranti, dira ceciderit, vel Philomaltenes Ptolemæum ab ipsis stare prædicent, neque dijudicare, neque dicere, aut conjectare possumus. Georgio Adriæ nomen Hydrographicæ dimensionis circino perstringenti, doluit fortasse, Ptolemæum in hydrographicis errasse, licet illius error, Adriam tantummodo ad orientaliorem Siciliæ partem prolataverit. Quæ quidem Ptolemæi hallucinatio nihil causæ nostræ obstat; Melita enim Africana ad Meridiem Siciliæ jacet; cujus meridionalem oram pelago Afro circumlutam apertissime liquet ex ipso Ptolemæi testimonio. Maxime itaque miramur Philomaltenses adeo firmæ frontis esse, ut favere illis asserant Ptolemæum, qui Melitam Africanam, & in Africa collocat, & statuit in medio maris Africani.

(1) Inspicientibus lib. 2. cap. 20. Tab. 5. Ptolemæi facile constabit, Melitam nostram Illyricam in medio Adriæ esse. Idem vero Ptolemæus docuit Lib. 8. *Tabula Septima Europæ continet Sardiniam, & Siciliam, insulas. . . . Circumscribitur autem Tabula ab omni parte pelago.*

Ab ortu Adriatico

A Meridie Afro.

Ab Occasu Sardo.

A Septentrionibus Ligustico, & Tyrrheno.

Et lib. 3. cap. 4. *Sicilia ambitur ab occasu, & Septentrionibus mari Tyrrheno, a Meridie Afro, ab Oriente Adriatico pelago.*

Et lib. 8. *Secunda Africa tabula continet Africam, & Insulas quæ circum*

(X I .)

circum ipsam sunt . Terminatur autem Tabula ab Oriente Cyrenaica , a Septentrionibus pelago Afro .

Et lib. 4. cap. 3. *Pelagia vero Insula Africa ha sunt .*

Cossyra Insula & Civitas

Glaucanis Insula , & Civitas

MELITE Insula in qua Civitas Melite .

Quodcumque ex his Ptolemæicis testimoniis eligant Philomaltenfes , & si adeo cordati sunt , ex ipso Ptolemæi errore , argumentum aliquod confingant , quo Adriam ad Melitam Africanam possint perducere : At qui facient , contra ipsius Ptolemæi sententiam ?

Si enim Africa alluitur mari Africo , & si Afro-Melita est in Africa , proculdubio est in mari Africo .

Si Sicilia a Meridie circumluitur pelago Afro , & si Afro-Melita respectu Siciliæ haud dumtaxat Meridionalis est , verum etiam respectu Promontorii Pachini ad Africum recedit , proculdubio est in mari Africo . Si Ptolemæus ex errore Adriam ad Orientem Siciliæ perduxit , nusquam Afro-Melita , quæ Meridionalis est , vel ex ipso Ptolemæi errore , in Adria dici potest .

At si Ptolemæus qui centenis ferme annis post Divum Lucam scripsit , Melitam Africanam in pelago Afro posuit ; quinam Divus Lucas eam in Adria nominasse censendus est ? Si Sacer historiographus ipsum Ptolemæi errorem de Adria , e specula quadam prævidisset , nusquam vel ipsius errorem amplexus , Melitam Africanam in Adria potuisset collocare , quomodo dicendum erit , illum errasse cum non errantibus , qui errare non potuissent vel cum Ptolemæo errante ? Si Divum Lucam sui temporis Poetas Latinos consuluisse dicimus ; nonne in ipso Æneæ cursu cum Creta discedens tempestateque jactus , & jactatus , Peloponnesiacam , & Epiroticam oram , Italiæ frontem , & Siciliæ Orientales & Meridionales plagas præterlegit , ex Lib. III. Æneid : Virgilianæ edificare potuisset .

Verf. 210. *Strophades Grajo sunt nomine dicta .*

Insula Jonio in magno .

Verf. 384. *Ante & Trinacria lentandus remus in unda .*

Et satis Autonii lustrandum navibus aquor .

Verf. 694. *Qui nunc .*

Ore , Arethusa , suo Siculis confunditur undis .

Et Lib. I. Verf. 599. *Coram quem quæritis adsum .*

Trojus Æneas Libycis ereptus ab undis .

In illo itaque mari , qui inter Siciliam , frontem Italiæ , & Peloponnesum jacet , nunquam Adriam Divus Lucas nominare potuisset , qui a Virgilio Jonium Magnum , Mare Trinacrium sive Siculum , & Mare Autonium , eo locorum esse accepisset , neque tractum illum æquoris , in quo Æneas naufragium passus est , alio nisi Libyco nomine indigitasset .

Nasonis vero de Melita Africana topicum testimonium sequi volens , nunquam illam in Adria , sed in Libyco mari sitam esse edidicisset .

Fertilis est Melite sterili vicina Cossyra .

Insula

(XII.)

Insula quam Lybici verberat unda freti.

Sic enim Ovidius cecinit Lib. III. Fast. Quod si Lib. IV. scripsit: *Adriacumque patens late*, nemo sanæ mentis Scriptor, ut Philomaltenes contendunt *vel late patens*, in longitudinem expandi intelligit; clamant enim ipsa Latine lingue exempla, quæ de latitudine intelligi volunt. Sic Virgilius scripsit.

Noctes atque dies patet Atri Janua Ditis.

Sic Pomponius Mela Ovidianum textum luce perfundere videtur. *Deinde Ceraunii montes: ab iis flexus in Adriam. Hoc mare magno recessu litorum acceptum, & vaste quidem in latitudinem patens.*

In mari itaque Libyco Afro-Melitæ esse, semperque fuisse nemo inficiari potest. Marium nomen in partes sumtum a Virgilio accurate describitur; ipsa vero Afromelitæ topica positio, ab Ovidio in mari Libyco designatur.

Sed dimisso Ptolemæo, dimissisque Poetis, Strabonem Geographorum Dissectorem sequamur, qui Græcæ scribens Divo Lucæ Græcæ scribenti, faciem in Geographicis prætulisse censendus est.

Sic Strabo Lib. 2. *Quod ante Syrtis, & Cyrenaica est Mare, id Libyæ vocatur, & in Egyptium pelagus definit.*

Lib. eodem. *Quidquid hujus maris est ad Africam, Africum seu Libyæ mare dicitur.*

Ibid. *Italiam in Peninsulam redigunt mare Tyrrhenum a Ligustico incipiens & Mare Ausonium, & Adria.*

Lib. 10. *Creta alluitur a Septentrionibus mari Egeo, atque Cretico, a meridie Libyco.*

Lib. 17. In Descriptione Africæ, Militem enumerat, quam alibi inter Siciliam, & Africam memoraverat.

Lib. 7. *A Sunio ad Peloponnesum usque Myrtoum est, & Creticum mare, & Africum cum sinibus usque ad Siculum pelagus, quod quidem & Ambracium, & Corinthiacum, & Crisæum implet.* At maris Siculi fines Strabo lib. 2. describens, a faucibus Adriæ nostri hodierni, usque ad Promontorium Pachinum, & inde orientem versus producit, & nusquam Divo Lucæ datum est, vel in Strabone, vel in aliis ejus temporis æratisque Geographis, extra hodiernas fauces, nomen Adriæ invenire. Quod itaque *Creticum, Libyæ, & Siculum*, universis illius ætatis Scriptoribus fuit, quomodo Divo Lucæ Adria factum sit, doceant nos Philomaltenes; sed doceant aliqua auctoritate confisi, neque nos torqueant tot voluminum mole, verbis, hypotesibus, inductionibus, & falso suppositis argumentis decertantes. Nos Adriam tum Divi Lucæ ætate, tam hac nostra Domi habuimus, & habemus; illi vero ex apogæo aliquo depromant, vel Genethlia, vel Næniæ Adriæ illius fabulosi quem jactant; ut vel ejus ortu gaudere, vel illius funera lamentari possimus.

Ptolemæi Geographia, æque Hydrographia, nihil obstant Melitæ nostræ Illyricæ, quam & in Adria sitam esse docent, & ipsi Philomaltenes in hac re omni ex parte consentiunt. At hæc eadem Ptolemæi sententia Melitam Africanam ab Adria exclusam pelago Afro adscribit;

(XIII.)

bit; neque sanæ mentis Scriptor auderet Adriaticum mare ad Meridionalem Siciliæ partem, & quinquagena mill. pass. Africam versus proferre, nisi eadem lege in veros Orbis cardines reddere liceret. Ptolemæus ex consuetudine juris, & nominis (ut compertum faciemus) Adriam ad orientaliorem partem Siciliæ prolatavit, at quasi Philomaltensum tergiversationes prævidisset, semel & iterum Adriaticum pelagus si ad Orientem Siciliæ prolatat, ad Meridiem nunquam protrahit, imo topice illam oram & Africanam Melitam, pelago Afro, Geographos, Historicos, & Poetas veteres imitatus, adscribit: adeo vero clara est in Ptolemæo Africanæ Melitæ topica positio, ut cœcutire in meridie videatur is, qui Afro-Melitam in Adria contendit. Nodus quippe iste Ptolemæicus nobis solvendus erat; omnes enim Philomaltenes Ptolemæum advocant; nemo tamen ejus textum affert, vel explicat. Ptolemæus erravit, at ipsius error nihil nobis obstat, nihil juvat Philomaltenes, nisi fortassis Afro-Melitam ad orientaliorem Siciliæ partem velint perducere.

§. VI.

OMnes quidem, sive veteres sive mediæ ætatis, sive nostrorum temporum Scriptores, qui hujus Terræque Globi partes, vel metiri, vel enumerare, vel describere sunt aggressi, universos Maris tractus, unum mare esse docuerunt; neque fossis aut mœnibus aquas ab aquis esse divisas, sed Mare (1) Adriaticum dici ab Adria, Siculum a Sicilia, & sic de singulis; ut quisque noscere possit, quonam terrarum sit, tum a Marium Terrarumque denominatione, cum a dimensione latitudinis, & quoad fieri potest longitudinis gradibus definita.

(1) Adriatici Maris denominationem Titus Livius Dec. 1. lib. 5. apertissimis verbis designat, *Thuscorum ante Romanum Imperium late terra marique opes patuere, mari Supero Inferoque, quibus Italia Insule modo cingitur, quantum potuerint nomina sunt argumento, quod alterum Thuscum, communi vocabulo gentis, alterum Adriaticum Mare ab Adria Thuscorum colonia vocavere Italica gentes; Græci eadem Tyrrhenum atque Adriaticum vocant*, Strabo lib. 5. & lib. 7. Theopompo consentit, scribenti. *Adriam ferunt illustrem fuisse urbem, unde & sinui Adriatico nomen exigua mutatione Litterarum factum sit.*

Etymon itaque, originemque Adriæ, tum ex Livio Latino Scriptore, tum ex Strabone Græco Geographo, apertissimis verbis designavimus; sed ut ex notionibus illius ætatis, notiones Divi Lucæ assequi possimas, pauca nobis præmittenda esse judicamus.

Ne

(XIV.)

Ne aliquis forte miretur, intra Ceraunias Japygiasque fauces duo diversi nominis maria fuisse, pro viribus nostris rem enucleant præstabimus, causamque, qua aliquando in unum Adriæ nomen coalescent exponemus.

Quod nunc dicitur *Chulphus Venetus*, olim *sinus Adriaticus*; Græcis vero *sinus Jonius*; ante Trojanum bellum, *Mare Illyricum* vocabatur; ut docent nos *Poeta*, *Argonautarum* & *Colchorum itinera describentes*; ut liquet ex *Callimacho* a Strabone relato, & ex *Apollonii libro 4. Argonauticon* Hinc *Virgilius Antenoris* migrationem describens *Eneid. lib. 1.* antiquam Hydrographiam est secutus.

Illyricos penetrare sinus &c.

A *Pelagis* tunc dominabatur: post bellum Trojanum vero a *Diomede*, ut colligimus ex *Dionys. Halicar. lib. 1.* & ex *Strabone lib. 5. & 7.*

Postea a *Liburnis*, deinde a *Thuscis*, qui Adriæ nomen dedere ab *Adria* ipsorum colonia, ut docuit nos *Livius*.

De Dominio Pelagorum, apud paucos extat memoria, de *Liburnis*, & *Diomede*, Regionum & Insularum nomina (quæ nunc quoque extant) sunt argumento.

Thusci itaque dedere nomen Adriæ: *Atrienſes* vero, qui rebus *Corcyæ*orum florentibus, *Liburnis* successerant, ditionem suam, ultra *Garganum montem* una ex parte, & ultra *Dyrrachium* ex altera, proferre non potuerunt; ideoque *Adriatici maris* denominatio, iisdem limitibus quibus *Atrianorum ditio* continebatur.

Hinc liquet, cum *Illyrici* mare illud latrociniis prædarentur, *Dionysium* ut a prædonibus *Adriaticis Jonium* tutum redderet, duas in *Apulia* urbes condidisse, propterea quod tunc temporis *Apulia* in *sinu Jonio* dicebatur, haud vero in *Adria*, cujus nomen ad ea usque littora, nondum prolatabatur, ut nobis facem præfert *Diodor. Sicul. lib. 16.*

A primo deinde, usque ad decimum *Dalmaticum bellum*, rerum quæ in *Adria* gestæ sunt, multi *Scriptores* seriem exscribunt; at decimo dumtaxat bello, *Dalmatia*, *Illyricumque* sæpe victum, tum demum fuit penitus subactum, *Adriæque* nomen in tanta bellorum varietate extensum, *Scylaci*, & *Straboni* exemplo fuit, ut fauces *sinus Jonij* describentes, ejusque sacros quodammodo limites in eodem sinu designantes, *Adriam* a *Gargano* & *Dyrrachio*, ut *Atrienſium* tempore continebatur; describerent, tandemque statutis *Adriæ* & *sinus Jonij* faucibus, hæc duo maria in unum nomen coalescere affirmarent, servato semper faucium limite, nunquam extra *Ceraunias Japygiasque fauces* extenso.

Jonij sinus & *Adriæ collimitia*, *Scylax Cariadiensis* topicè describit, & consentiunt *Seymus Chius*, *Dionysius Characenus*, & *Strabo*; quorum testimonia eo conferemus, quo *Philomaltenſium* cavillationes de *Jonio* & *Adria*, illudendas potius, quam delendas suscipiemus.

His itaque præmissis, quæ historico & Geographico ordine, eas nobis notiones præbent, quibus *Divum Lucam* usum fuisse tenendum est; quid nobis afferre possunt *Philomaltenſes*, comprobaturi *Adriam Divi Lucæ* temporibus, a *Fromelitam* pertigisse? *Livius* historicorum Princeps docet *Italiam cingi Insula modo, mari Supero Inferoque*; *Adriatico* nempe & *Tyrrheno*.

Strab-

Strabo lib. 2. *Italiam in Peninsulam redigi a Mari Tyrrheno, & Ionio, & Adria* affirmat.

Nemo Historicorum, vel Poetarum, vel Geographorum, quos Divus Lucas vel vidisse, vel legisse poterat, Adriam extra hodiernas fauces, vel nominat, vel designat. Quomodo itaque Sacer Historiographus dicendus est, Adriam usque ad Africanam Melitam protulisse?

Si novam hydrographiam Divus Lucas confecit, doceant nos Philomaltenes; sin vero alios est secutus, eos pro ipsorum doctrina sequi debuit; at nullus, usquam, cum in Libyco Siciliae Meridionali pelago esset adeo desipuit, ut se in Adria fuisse scriberet: ergo nec Divum Lucam desipuisse, pro veritate historica, pro ratione hydrographica, & pro veneratione in ipsum Divum Lucam, serio fideenterque sustinemus.

§. VII.

Visum est aliquibus Marium jura, & nomina confundere; Adriam personatum rati, ad Africanam Melitam facile posse prolatari. Omnem argumentandi vim in eo maxime collocant, quod ex Scylace, & Strabone eliciunt, sinum Jonium (1) idem esse cum Adria. Inde ex hypotheticis illationibus, miram quidem rem praestant, dum sinum Jonium cum mari Siculo, & Siculum cum Adria confundunt, denominationemque quae ex intimo Sinus Adriatici Littore desumitur, usque ad Melitam Africanam perducunt. Quanam vero auctoritate confisi id faciant, nemo dixerit, nisi fortasse is, qui Claudii Ptolemæi errorem ex confusione Juris & nominis, a Divo Luca centenis ferme annis prævisum, adoptatum, ampliaturumque, imprudenter contendat.

(1) Georgius noster, multa quidem eruditione instructus, quaecumque ex Græcis sive Latinis Scriptoribus congerere potuit, in illas suas inspectiones conjecit. Quæ ex se clara sunt argumenta, clarioribus illustravit; at ea quæ dubium aliquod in causam olim suam, nunc nostram, inferre possunt, nuda & languida prorsus reliquit. Colendus ille quidem, summoque in pretio habendus ab omnibus; maxime vero a nobis, quibus angustæ eruditionis res, tum ingenii, tum doctrinæ paupertatem obiciunt; at non adeo colendus, ut falcem nostram, quaecumque ea sit, in eandem messem mittere desperemus.

Attulit ille M. Tull. Cicer. textum depromptum ex lib. 3. de Orat. *Hæc autem ut ex Appenino fluminum, sic ex communis sapientiæ jugo doctrinarum falla divortia: ut Philosophitamquam in superum mare Jo-*

re *Jonium* defuerent *Græcum* quidem & *portuosum* : *dratores* autem in *Inferum* hoc *Thuscum*, & *barbarum*, *scopulosum* atque *infectum* *laberentur*, in quo etiam ipse *Uliſſes* errasset.

Nuda proinde assertionem statuit, a Cicerone intelligi *Adriam* in *Jonio* intra fauces *Ceraunias* *Japygiasque* clauſo, quam quidem *Georgii* nostri ſententiam neque laudare, neque amplecti lubet. Si enim *Adria* in *Jonio* *Græco*, ergo extra fauces hodiernas: *Græcum* enim Mare, quod & *Jonium* *Magnus* *Virgilius* vocat, nuſquam de ſinu *Jonio*, qui intra fauces eſt, intelligi poteſt, niſi tergiverſationibus; quibus *Philomaltenſes* indulgent, morem gerere velimus.

Dimiſſo itaque *Georgio*, textum hunc *Ciceronis* explicabimus, ne ex ejus, quæ non levis eſt, æquivocatione, *Adria* extra fauces protenſus videatur; deinde *Scylacis*, & *Srabonis* teſtimonia, quibus abutuntur *Philomaltenſes* perſtringemus.

Jonij denominationem *Strabo* cum *Theopompo* docet lib. 7. ortam eſſe a viro qui primus *Jones* in illa loca perduxit; alia *Nymphæſa*, alij ut videtur *Hygino*, & *Appiano*, a *Jonio* *Dirachi* filio, per ignorantiam ab *Hercule* occiſo, & in mare projecto. Quodcumque autem eſt nominis etymon, nihil ad nos; hoc unum conſtat, *Jonium* fuiſſe extra fauces *Ceraunias* *Japygiasque*; ejuſdem vero *Jonii* ſinum, intra memoratas fauces, & limites; & hunc ſinum *Jonium*, ut ex dicendis patebit, idem fuiſſe cum *Adria*, haud vero *Jonium* Mare, quod aliquando *Siculum* dictum eſt, & a *Cicerone* *Græcum*: *Cicero* itaque, ne tantummodo de ſinu *Jonio* loqui videretur, addidit *Græcum* quidem, & *portuosum*. *Adriatici* Maris vero de quo nobis quæſtio eſt, duplicem ſtatuiſſimus denominationem: alteram *Adria*, alteram *Maris Superi*. *Adriæ* etymon, ſuſe lateque demonſtravimus: mare vero *Superum* dicitur reſpectu *Inferi*, qui loquendi modus *Geographorum* eſt: illi enim ea omnia quæ in *Septentriones* tendunt, vocant *Superæ*; quæ vero in *Meridiem*, *Inferæ*. At *Septentrionale*, & *Meridionale* punctum, licet apud *Aſtronomos* fixum ſit, & quodammodo immobile, haud tamen apud *Geographos* eadem ratione conſtare poteſt, quibus *Superum*, & *Inferum* dicitur, ex ſola latitudinis diſenſione; reſpectu locorum; de quibus ſermonem inſtituunt.

Denominatio *Terrarum* atque *Marium*, alia eſt reſpectu latitudinis, alia reſpectu nominis. Ea quæ dicitur reſpectu latitudinis ab *Equatore* ad *Septentriones*; ſi referatur ad Globum *Terraqueum*; apud omnes eadem eſt. At ea quæ dicitur reſpectu latitudinis *Septentrionalis*, in partes diviſæ ab 1. ad 90., iterum in ſe diviſa eſt. *Gradus* ſecundus ab *Equatore* in *Septentriones*, reſpectu *Equatoris*, *Superus* dicitur, reſpectu vero *gradus* tertij, *Inferus* vocatur.

Denominatio vero, reſpectu nominis, ea eſt, quæ apud omnes eadem dicitur, & conſtanter uſurpatur; neque variari ſolet reſpectu poſitionis, vel reſpectu alicujus perſonæ.

Mare *Adriaticum* quippe a *Romanis* dumtaxat *Superum* vocatum fuit, reſpectu ſuæ poſitionis; ab univerſo vero orbe *Adria* dictus eſt, reſpectu nominis.

Indica-

Indicavit itaque Cicero Adriam in Mari Supero; Jonio vero adijciens *Græcum & Porraosum*; haud designavit sinum Joniū; qui cum idem sit unumque cum Adria in Mari Supero intelligitur. Verum enim vero, cum in Mari Supero; si Dyrrachium & Apolloniā excipies; nulla Civitates sint, ex quibus Philosophi profluxerint, & cum *Craffa*, qui apud Ciceronem loquitur, de Græcia; præsertim vero de Athenis sermonem instituerit, non *Jonium Græcum* quod in Tullii Oratore legimus, de Jonio extra fauces intelligendum est; a quo Græcia alluitur; quodque nusquam dici potest Superum respectu Romanæ urbis; in qua Cicero scribebat. Linea ducta a Romanæ urbis in Orientem, eo desinit; quo Ceraunii montes in Adria incipiunt, ita ut ibi sacris quodammodo divitiis Superum Mare, a Jonio Græco discriminetur, neque Mare illud quod Græciam alluit, Superi nomine indigiti possit, nisi ab iis, qui primæ Geographiæ elementa, vel ignorant vel contemunt, quosque non pudet Superi Inferis permiscere.

Jonium illud Græcum, perperam intellexit Georgius noster, pro sinu Jonio, sive Mari Adriatico; Philomaltenes vero perperam intelligant, *Jonium Græcum* in mari Supero; neque enim *Jonium Græcum* ratione suæ positionis dici potest Superum respectu Romanorum; neque mare Superum in quo est sinus Jonius; idem est cum Jonio Græco. Intelligendus itaque est textus ille Tullii, pro Mari Supero ex consulto apposito nempe Adria & sinu Jonio, ne Dyrrachium & Apolloniā duo Philosophorum Emporia excludere videretur; & pro Jonio Græco quod Græciam alluit, Philosophorum omnium Matrem atque altricem.

Veniamus nunc ad *Scylacis*, & *Strabonis* testimonium, ex quo apertissime patebit; sinum Jonium qui idem est cum Adria, nunquam extra Ceraunias Japygiasque (quæ & hodiernæ sunt) fauces fuisse prolatarum.

Nos quidem neque *Scylacis*, neque *Strabonis*, de Adria & Jonio, sententiam pernegamus, imo nobis ipsis gratulamur, tanti momenti Scriptores; quæstionem causamque nostram prorsus judicasse.

Ultima *Scylacis* verba Philomaltenes asserre student, ut legentes decipiant. At necesse est Jonium de quo *Scylax* & *Strabo* discurrunt cognoscere, & proinde Philomaltenium fallaciam execrari.

Sic *Scylax* docet. Τὸ δὲ σὺν τῷ Ἰονίῳ ἰσχυρὸν ἔσται. Os autem Jonis Sinus est a Cerauniis jugis usque Japygium promontorium. A Cerauniis autem ad Hydruntum Japygio oppidum patet ex ejus Sinus per stadia navigationis prope quingenta. Introrsum Jonius est: multi portus occurrunt in Adria: porro Adria & Jonius sunt idem.

Si itaque Jonius introrsum est non dicitur & Ionios: si non introrsum incipit ab ore, si os a Cerauniis jugis patet ad Japygium promontorium: si Adria & Jonius sunt idem a faucibus introrsum; quid Adriæ est cum Jonio extra fauces? quid tergiversatoribus est cum *Scylace*? qui Sole clarioribus verbis scripsit; *Introrsum Jonius est*, nempe intra fauces, haud vero extra. At si Jonius qui introrsum est, nam eandemque rem efficit cum Adria, quomodo Adria qui introrsum est, extra fauces effunditur? statuunt ne

rus.

B

Philo-

(XVIII.)

Philomaltenſes os, & fauces in medio ventre Maris Adriatici, ita ut, & ejus os ſit ad Cerauniam, & Capite pertingat Melitam Africanam?

Strabo vero lib. 7. ſic habet. *Post Apolloniam Balliæce eſt, & Oreum, ejusque navale Panoemus, & Montes Ceraunii, initium faucium ſinus Jonii, & Adriatici. Fauces enim utrique ſunt communes, eoque tantum differunt quod primæ parti (ſeu exteriori: quod appoſuit Xylander) nomen Jonii tribuitur, Adria autem interiori uſque ad intimum ſinus reſeſſum: quamquam hodie totum hoc Mare hoc nomen gerit.*

Philomaltenſes ad hunc Strabonis locum exultant, geſtiunt, & torquentur. Ajunt enim hoc totum mare, quod Strabo designat, haud dubie Siculum comprehendit.

Verum hunc Strabonis locum primum explicare neceſſum eſt, deinde Siculi maris fines, ex ipſo Strabone, demonſtrabimus, & tandem, quod neque dici, neque ſingi poteſt, evincemus, etiamſi Adria & Siculum idem eſſent, nihilo tamen fecius ipſius Straboniſteſtimonio, numquam Melitam Africanam in Mari ſiculo Strabonis fuiſſe.

Ac primum ne aliquis tergiverſator Sinum Adriaticum, haud idem eſſe cum Mari Adriatico contendat, Strabonis auctoritate evincimus in diſcriminatim, tum *Maris*, cum *Sinus* vocem uſurpari. Strabo lib. 4. *Padam* memorans, eum docet incidere in *Adriaticum Mare* *Adriaticum Sinum* vocat lib. 2. & 7. ut in loco a nobis allato.

Nunc vero redeamus ad penſum, *Montes Ceraunii*, ait Strabo, ſunt *initium faucium Sinus Jonii*, & *interioris Maris Adriatici*; at ſi fauces ibi incipiunt, quomodo Sinus Jonius extra fauces reſidet, vel Mari Siculo permiſceatur?

Nonne Meridiana luce clarius eſt, Strabonem loqui de faucibus Sinus Jonii, & Maris Adriatici introrſum ſumpti, & *Xylandrum* ſuperſuam rem præſtaſſe, qui adjecit *ſeu exteriori*? Illud enim τὸ πρῶτον μέρος quod eſt in Strabone, ſatis eſt reddere *primæ parti*. Integrum Strabonis textum Græcum tranſcribentes, verbum verbo reddemus, ut quiſque dignoſcere poſſit, Xylandrum licet doctum Græcæ linguæ interpretem tenebras Philomaltenſibus pro luce acceuliſſe. Strabo lib. 7. τὴν ἀρχὴν οὐρῆς ἢ ἀρχὴν τοῦ κόλπου τοῦ Ἰονίου καὶ τοῦ Ἀδριατικοῦ τὸ μὲν οὖν κοῖμα κοινὸν ἀμφότεροι ἐστὶν, διαφέρει δὲ ὁ Ἰόνιος διὰ τὸ πρῶτον μέρος τῆς θαλάττης πύλης οὕτως ὅτι τοῦ ἐστὶν ὁ Ἀδριατικὸς τῆς ἰσθμῆς μέγας τὸ μυχὸν. *Ceraunii montes initium oris, Jonii Sinus, & Adriaci, at quidem os commune utrique eſt; differt vero Jonius; propterea quod primæ parti Maris ejusdem hoc nomen eſt; Adriæ vero intus uſque ad iſſimum reſeſſum: unde δὲ τῆς κοινῆς, nunc vero ſimul omni Mari buic (ſubintellige) nomen Adriæ eſt.*

Inconcinna fort aſſis videbitur hæc verſio, at neceſſum fuit verbum verbo reddere ut τῆς ἰσθμῆς a Xylandro male interpretatum oſtenderemus, qui relative ad primam partem explicavit; quod erroneum eſt; nam τῆς ἰσθμῆς reſertur ad illud τῆς θαλάττης, ut ex ipſo articulo ſæminini generis colligimus; alias dicendum eſſet Strabonem ſcripſiſſe τὸ μέρος & τῆς ἰσθμῆς quod falſum eſt; ex hac Xylandri, quæ aliquando ſummis viris contigit, hallucinatione, orta eſt illa adjectio (*ſeu exteriori*) quæ Philomaltenſes in Syrtis egit, & deceptit. Ex illa Xylandri adjectione Philomaltenſes ſiculum

neum argumentum conficiunt, & Sinum Jonium extra fauces e secunt, Siculo pelago permiscunt, eo confisi, quod interius non datur sine exteriori.

At quis sanæ mentis Scriptor, ex Strabone colligere potest; Sinum Jonium extra fauces prolatari, & Siculo pelago permisceri; cum ipse Strabo harum faucium initium statuat ad Montes Ceraunios?

In ore humano os a fabris incipit, & labra dicuntur prima pars oris, sed quia dentes dicuntur intra os, idcirco ne labra extra os dici possunt? Audiendus tamen est Strabo, qui accurata Siculi Maris Descriptione, arripit Philomaltenfibus omnem ansam tergiversandi. Sic ille lib. 2. Porro Siculo pelagus ante Siciliam est, atque Italiam ad orientalem partem, & præterea inter fretum Regini, usque ad Locros & Messanam, porrigitur quasi usque ad Syracusas, & Promontorium Pachynum. Dilatatur versus orientem quidem usque ad Cretæ promontoria, & Peloponnesum majori ex parte circumluit, & implet Sinum qui Corinthiacus dicitur. Porro ad Septentriones attingit promontorium Japygium, & fauces Jonii sinus, partesque australes Epiri usque ad finem Ambracium, eique continuatam oram maritimam, efficientem Corinthiacum sinum juxta Peloponnesum. Jonius autem Sinus pars est Maris, quod nunc dicitur Adriæ. Hujus vero dentrum quidem latus Rhodis fuerit &c.

Ex hac Maris Siculi accuratissima descriptione, quis unquam mortaliū adeo insanire poterit, ut eliciat, Sinum Jonium extra fauces esse, & Siculo pelago permisceri? Strabo statuit fauces Sinus Jonii, terminum Maris Siculi ad Septentriones; quomodo igitur faucesque Siculo terminant, unum idemque dici possunt, cum eo quod terminatur?

At Philomaltenfes ut Adriam sive personatum, sive inversum, extra fauces Ceraunias Japygiasque educant, ad Polybium confugiunt; quem asserunt recognovisse Traiectum Jonium, inter Cocynthum, & Japygium. Confuso proinde Sinu Jonio, & Traiectu Jonio, illum extra fauces, ad Cocynthum fronteque Italiae protendentes, Adriam quoque, qui cum Sinu Jonio idem est extra fauces hodiernas educunt, Siculo permiscunt, & totum istum Maris tractum, uno Adriæ nomine intelligi posse contendunt.

Nos vix risum, & vix bilem cohibere possumus tam ineptas Philomaltenfium rugas recensentes. Primum quidem negamus Polybium recognovisse Traiectum Jonium inter Cocynthum & Japygium, at inter Cocynthum & Ceraunia; sic enim ille lib. 5. Lembi portum insule ingressi, quæ dicitur Saso; est autem posita prope introitum Traiectus Jonii. Cum vero Saso Insula sit juxta Ceraunia, & ibi sit Introitus, quomodo Geri potest, ut Japygium sit initium Adriæ, & terminus Jonii? Tum ex Strabone, tum ex Polybio patet fauces Sinus Jonii esse ad Ceraunia, quomodo igitur Ciantarianæ Dissertationes pag. 99. statuunt primum Jonii Sinus ingressum ad Cocynthum, alterum vero ad Japygiam, & hoc secundum ostium a Strabone intelligi, Adriæ & Jonio Sinui esse commune? Triane ostia assignanda sunt Sinui Jonio? unum ad Cocynthum, alteram ad Japygium, tertium ad Ceraunia? putandum ne est D. Ciantar intellexisse ea quæ scriberet?

Expendamus itaque integrum Polybianum textum, ut veritas magis eluceat: sic ille. Totius profecto Italia figuram triangularem referentis,

unum quidem latus, quod ad orientem inclinat finitur Jonio trajectu; eique adhaerente Adriatico Sinu. Quod vero ad Meridiem & occasum obversum est, Siculo ac Tyrrheno Mari terminatur. Haec autem latera ubi mutuo sibi incident, summitem efficiunt trianguli, nempe promontorium Italiae quod tendit in Meridiem, & appellatur Cocynthus: *ἡ ἀπὸ δὲ τοῦ ἰονίου πρὸς τὸν οὐρανὸν πελάγος*, & hic dividit Jonium Trajectum a Siculo Mari.

Cum itaque omnis Philomaltenium vis sit in eo, ut Sinum Jonium extra fauces Ceraunias a Strabone constitutas educant, & cum Mari Siculo confundant; Trajectum Polybianum, idem esse asserentes cum Sinu Jonio Strabonis, hypothesei propriae derogant, & contradictoris argumentis se ipsos obtrunt, & jugulant.

Polybius docet Promontorium Cocynthus dividere a Mari Siculo Trajectum Jonium, quem cum dividat, negat idem esse cum Mari Siculo: at sic accidet quærentibus lucem in tenebris.

Strabo ponit fauces Sinus Jonii, terminum maris Siculi ad Septentriones: Polybius Trajectum Jonium dividit a mari Siculo; quod itaque divisum est, unum idemque haud dici potest, quodque alterum terminat haud idem unumque est cum eo quod terminatur. Sinus Jonius igitur, a Cerauniis introrsum idem est cum Adria, haud vero extra fauces Ceraunias, ut liquet ex hallucinatione Xylandri, ut compertum est, auctoritate Scylacis, Strabonis, & Polybii, qui apertissime Siculum mare, a Sinu Jonio unam eandemque rem cum Adria efficiēte, fecerunt, dividunt, discriminant.

At quid causæ fuit ut Polybius statueret Trajectum Jonium, ad Promontorium Cocynthus, quod est extra fauces Sinus Jonii? Paucis reponeamus. Polybius agit historicum, haud vero Geographum, cum itaque rerum meminisse deberet, loca primum in quibus gestæ sunt exscripsit; & cum de Militum, atque Classium Trajectu in Italiam loqueretur, trajectum ipsum, qui ante fauces Jonii Sinus est indigitavit, locumque quo definiebatur, qui Cocynthus est designavit; ut inde Stationes Classium, Imperii jura, & Marium collimitia, divisioneque paterent. Siculum mare a Trajectu Jonio divisit; Trajectus vero, & Sinus, numquam idem esse dici possunt; Trajectus enim lineam per quam transitur denotat, Sinus vero extensionem latitudinis longitudinique complectitur: rem vero apertissime enucleatam habemus in ipso illum trajectu, qui topicum transitus locum indicat, universum vero flumen haud designat. Nostræ huic sententiæ arridet Virgilius lib. 3. *Æneid.* vers. 506.

Provehimur pelago vicina Ceraunia juxta

Unde iter Italiam, cursusque brevissimus undis.

Siculum Mare, meridiana luce clarius, divisum est a Sinu Jonio. At esto, quod a rei veritate abest, Strabo intellexit Sinum Jonium mari Siculo permixtum; quonam tandem modo Mare Siculum Strabonis, Africanæ Melitæ affundi poterit?

A Promontorio Pachyno Mare Siculum Strabonis dilatatur versus orientem, & ab eodem Promontorio quinquagenis mill. pass. Melitæ Africanæ recedit in Meridiem. Linea ducta a Promontorio Pachyno in orientem statui limites Maris Siculi; at hæc linea quæ orientem versus porrigitur,

rigitur, ignoramus, nisi nos Deus natus aliquis doceat, quantum ratione includere possit Melitani Africantam, quæ in Meridiem protenditur, & ad brumalem occasum respectu præfati Promontorii, inclinatur.

Vanas Philomatenſium hypotheſes, contradictoria argumenta, falſas illationes deſere, Herculeas labor eſſet, imò infinitus. Illi quidem nulla principia habent, auctorem nullum, nullum Geographum, qui ab ipſis ſit. Adriam cum Sinu Jonio, ſinum Jonium cum Jonio magno, Jonium cum Siculo confundunt, & ut Adriam extra fauces educant, Siculum, Jonium magnum, & Sinum Jonium, enecant, deſtrunt, ad nihilum reducunt. At cum hæc omnia perpetraverint, Adriam ad Africanam Melitam perducunt. Contra ſæcra quodammodo veterum Geographorum oracula qui facere poterunt? Dent nobis veterum Scriptorum teſtimonia, quæ Dux Lucæ monuiſſe probent, taceant vero errores recentiorum, quæcumque ſint, qui privata magni nominis auctoritate, publicæ Geographiæ jura ambiunt evertere, nos vero in ſequenti exercitatione Ptolemæici erroris cauſam explicabimus, ab illo enim quaſi patente proſeminati ſunt omnes Philomatenſium errores.

EXERCITATIO II.

§. I.

Um omnes res, Tuæ principia habeant, atque incrementa, cumque nos demonſtrativa argumenta deficiant, probabile aliquid querendum eſt, quod habitæ Geographiæ ſchematis ratione, cujus evidentia primum locum obtinet, (1) autem argumentis, ſentem originem, quæ Ptolemæici erroris, indicare poſſit & explicare.

(1) Georgius uſque Ptolemæum accuſavit, damnavitque, at ejus ceterorumque privata auctoritas, ex animis Eruditorum, dubitationem quandam, ſuſpicionemque, hanc poteſt eyellere, niſi aliquid afferat, quod Ptolemæicam illucinationem poſſit confirmare.

Exant adeo plura, adeo aperta, veterum Geographorum, vel qui ante Divum Lucam, vel qui ejus ætate floruerunt teſtimonia, ut dubitare de illis non poſſimus. Adriam nemo extra Ceraunias Japygiæ fauces eduxit; ab omnibus intra memoratas fauces, & nominatur & claudetur, ita ut supra Adriæ, nunquam extra ſtatutos limites repeſciatur.

Scylax Cariæſis, quem multi depravare conati ſunt, ſic docet in verſion. Lucæ Hölſteri. Oſium vero Jonii ſinus a Cerauniis montibus eſt, qui ad Japygium promontorium, traſſus autem oſii cuius ſinus a Cerauniis montibus ad Hæduntum oppidum Japygiæ, 12. circiter ſtadiorum eſt; qui ſinus intra eſt, ſinus Jonii vocatur. In Adriæ, crebri ſunt portus, idem autem eſt Adriæ, 10. Japius.

Scimnus Chius Sty lacem sequitur Versu 360.

Post Italiam statim occurrit Jonium mare

Ad cuius ostium usque fauces usque

Japyges accolunt

Vers. 368. Sequitur deinde mare quod Adriaticum vocant

*Dionysius Characenus, sive Afer, sive Alexandrinus Sty lacem, de
Stimnum sequitur. Vers. 378.*

At princeps post hos Calabrica sedes terra

Gentesque Japygem extensa usque ad Hyrium

Maritimam: Hyrium ubi trahitur Adriam Salum,

Mare in finitimum Aquileense ubi condita est

Urbs Tergestorum

Vers. 387. . . . Post vero immensum tradium ducunt

Illyricam circum terram voluit usque ad Jugum

Montesque excelsos, quos Ceraunios vocant:

*Hos sequitur Strabo lib. 7. Et montes Ceraunii initium faucium sunt
Jonii. Fauces enim utrique sunt communes, eoque tantum differunt;
quod prima pars maris huius nomen Jonii tribuitur, Adria
vero intus usque ad intimum sinus recessum, quamquam hodie totum
mare hoc nomen gerit. Nos in prima exercitatione hunc Strabonis
locum, prout intelligi debet exposuimus; at hæc Strabo de Adria,
scripsit quarto Tiberii anno, ut constat.*

Proximus Straboni Pomponius Mela lib. 2.

Deinde Ceraunii montes ab iis flexus in Adriam.

Hoc mare magno secessu Littorum acceptum

*Livium, ceterosque quos jam attulimus, brevitati consulentes, ta-
cemus. At hæc sunt veterum Geographorum testimonia, quibus Divus
Lucas uti poterat, ex iisque ediscere Adriam Ceraunius Japygiisque fau-
cibus occlusam? Quid itaque vanis falsisque cavillationibus indulgent
Philomaltenses, ut Divi Luca temporibus Adriam extra statuas fau-
ces prolatarem evincant, si Plinius ipse, qui post Divum Lucam scrip-
sit. iisdem limitibus Adriam coercet, quibus Strabo, Mela, Chara-
cenus, Scimnus, Sty lacem ceterique circumscripserunt? Ptolemæus qui no-
va atque inaudita proclit, omnibus veterum Geographorum testimo-
niis erit anteposendus? Nova antiquis, unum multis, erroribus scate-
tem Ptolemæum, tot probatissimis Scriptoribus præferemus? Auctori-
tas veterum Scriptorum contra Neotericos assentatores; historica testi-
monia contra fabularum commenta, neque valebant, neque tuto, &
sine meru proferri poterant?*

*Multi quidem ex neotericis, vel auctoritate vel novitate Ptolemæi
permoti, Adriam extra statutas fauces, olim fuisse testantur. At quæ
auctoritas in Ptolemæo, qui hallucinationibus, atque erroribus extun-
dat? *Jurienalis Carleucas* dedit aliquod specimen Ptolemæicæ auctori-
tis: sic ille Tom. 2. *Essai sur l'Histoire . . . des Sciences, & des arts:
Ptolemée confond les Isles Fortunées (Canaries) avec les Gorgades (les Is-
les du Cap. verd.)* il est certain que les Fortunées sont entre le 20. &
le 30. degré de latitude Boreale: cependant ce Geographe les met entre le*

ro. & le 20., ce qui est la véritable position des Gorgades. Et alibi. Pto-
lémée s'est trompé lorsque il a placé Euxus & les Auleriens ou est Or-
leans. L'erreur est contagieuse: l'Autorité décevante de ce Geographe
a fait que d'Aulerici plusieurs ont tiré l'etimologie d'Aureliani.

Ab ungue itaque discamus Leonem, iisque quæ nova sunt in Ptolemæo
quæ ab antiquioribus Geographis dissident, fidem adhibere ediscamus.
Ea tamen veritatis vis est, ut neque Ptolemæi error neque neotericorum
hallucinatio Adriam usque ad Africanam Melitam possit perducere.

Ptolemæus Adriam tantummodo statuit (ut demonstravimus) ad
orientalem partem Siciliæ, at Melita Africana in Meridionali pelago,
quod Ptolemæo Africum est, jacet, & prospicitur.

Philip. Cluverius, qui, cum multa obsequendi gratia dixisset de
Adria extra-Ceraunio, honori suo consulens dubitare visus est de iis
quæ dixerat. At tanti viri Manes ignorent, quid dubitandum erat
in eo, quo commenta, & fabulæ fingeantur? Fatendum erat, &
apertissime fatendum, Adriam extra Ceraunias fauces, nunquam
fuisse prolatatum.

Cluverius in Introductione in universam Geographiam, tam ve-
terem quam novam, Amstelodami apud Sansonia - VVesbergios anno
CICICCLXXXII. editam, sic docet. Inter Siciliam Italiam & Græciam,
Jonium dicitur Mare: cuius pars Sinus Adriaticus, inter Italiam & Illyri-
cum ab Adria urbe, quondam sic dictus. Idem & Superum, vocatur Mare,
respectu Inferi, quod est Tyrrhenum. Adriatici iterum partes sunt Illyri-
cum Mare, & hujus rursus partes duæ; Dalmaticum ad Dalmatiam, Li-
burnicum ad Liburniam. Inter Siciliam & Adriaticum Sinum, Ausonium
dicitur Mare, quia hæc pars Italia olim vocabatur Ausonia. Sed postea.
Omne hoc Mare, inter Siciliam & Illyricum, Græciam & Siciliam, Adria-
ticum est dictum, quod alio nomine erat Jonium, idem & Siculum.

Plaudant sibi Philomalthones, Cluverius enim ab ipsis statit, dummo-
do ipsi Melitam Africanam inter Siciliam & Græciam deducant; quod si
non fecerint ipsi neotericorum Geographorum errores contra ipsos pu-
gnabunt. Optandum tamen erat, ut Cluverius, ceterique, qui fa-
bulari de Adria aggressi sunt, accuratiori calamo nos docuissent, quom-
modo quondam Mare quod Jonium vel Siculum dicebatur Adriatici no-
men sortitum sit, vel qua de causa, quove tempore, intra primæ origi-
nis claustra (quibus hodie clauditur) redierit. Dicentne Philomalten-
ses id Divi Lucæ temporibus contigisse? At Scylax, Scippius, Charac-
terus, Strabo, Livius, Meli, quomodo explicandi? quomodo intelligen-
di? Explicandine erunt illi ad mentem Cluverii, ceterorumque ejus-
modi Scriptorum, an Cluverius, ceterique Scriptores ex ipsorum men-
te, & apertissimo testimonio judicandi?

Adria tum Divi Lucæ temporibus, ex memorata Geographorum au-
thoritate, Japygiis Cerauniisque faucibus claudebatur; tum post ipsum
Divum Lucam, ut constat ex Plinio, qui ante Ptolemæum scripsit.
Nunquam memorati Scriptores, Adriam extra hodiernas fauces, indi-
gitasse leguntur, n' postea itaque Cluverianum, illa ætate haud incespi-
te, fidenter sustinemus. Neque alicui videatur argumentum hoc nostrum

negativum esse, & proinde infirmum; nos enim negamus *Adriam* extra fauces ex silentio laudatorum Scriptorum; sed eo ipso probamus intra fauces hodiernas tantummodo, fuisse, ex ipsorum apertissima clarissimaque *Adriæ* descriptione intra statutas fauces luculentè, & topicè designata.

Si quis urbem *Romam* in *Asia*; statueret, nos contra ipsam disserentes, hoc argumento uteremur. Urbem *Romam* in *Italia* omnes statuunt; nemo unquam cum de *Asia* loqueretur urbem *Romam* nominavit; proinde & testimonio eorum, qui *Romam* in *Italia* statuunt, & silentio eorumdem, qui *Romam* in *Asia*, nullibi innotuerant, *Romam* in *Italia* esse haud vero in *Asia*; evincemus.

Sic vel de *Adria* disserimus. Nemo antepolemazicus *Adriam* extra fauces *Japygias* *Cerauniasque* nominat, omnes intra ipsas illam includunt; ergo & affirmatione, & silentio eorumdem, *Adriam* Divi *Lucæ* temporibus, cum hodierno *Adria* idem fuisse evincimus.

Si *Cluverius*; ceterique Scriptores, inter viros versarentur, nosque ab illis peteremus, ut etymon *Marium* nos docerent; amplissimis Geographorum; vel historicorum testimoniis; illi nobis etymon; seriemque prolationis exhiberent; quam quidem rem de *Adriæ* origine, ejusque ad fauces *Ceraunias* prolatione nos ipsi præsticimus. At si ab illis esagitassemus ut *Adriæ* illius; quem *Ptolemæus* ad Orientem *Siciliæ* protulit, quemque *Cluverius* ceterique inter *Siciliam*, & *Greciam* indigitarunt; seriem prolationemque docerent, nihil protulit aliud asserre possent, præter nudum, & languidum ipsius *Ptolemæi* testimonium; in cuius verba se jurasse dicerent.

Quod nemo ante *Ptolemæum* effari ausus est; quod *Ptolemæus* ipso verbo tantum asserit, eamne vim obtinuisse dicemus; ut ceteros desipuisse; *Ptolemæum* vero haud errasse; inde colligi possit.

Ptolemæi error, ex antiquioribus Geographis probatur; erroris vero *Ptolemæici* originem, quoad fieri potest, detegendam aggrediemur, ut dubitatio suspicioque omnis, ex eruditorum animis evellatur.

Liburnarum Navium memoria in *Pompejano* botro passim extat; eorumque agilitate, prælio *Adriaco* *Augustus* Victoriam esse consecutus; inde *Liburnarum* nomen adeo inclusit; ut deinceps Romani Imperatores ad eam similitudinem naves construerent, *Liburnasque* vocarent *Veget.* Lib. 4. cap. 33. Omnes vero *Romanarum* rerum Scriptores, integrum *Adriatici* maris Dominium, tum demum ad *Romanos* devenisse docent; cum *Augustus* omnes hujus Maris Insulas, & *Maritimas* oras subegit, & a prædonibus vindicavit. Proinde vero ex eodem *Vegetio* Lib. 4. cap. 3 ita patet, *Adriatici* Maris custodiam *Ravennati* Classi fuisse demandatam, ejusdemque Classis *Adriaticæ* jura usque ad Orientem extenta. Quæ quidem Custodia, & *Adriaticæ* Classis jura semper viguisse constat, donec *Romanorum* res, integre steterunt atque incolomes.

Apud Misenum (ex *Vegetio* Lib. 4. cap. 3 f.) & *Ravennam* singule legiones cum Classibus stabant, ne longius a tutela urbis abscederent, & cum ratio postulasset, sine mora, sine circuitu ad omnes Mundi partes pervenirent; nam *Misenatam* Classis, *Galliam*, *Hispanias*, *Mauritanias*, *Africam*,

Aegy-

Ægyptum, Sardiniam atque Siciliam habebat in proximo. Classis autem Ravennatum, Epirum, Macedoniam, Achajam, Propontidem, Pontum Orientem, Cretam, Cyprium directa navigatione petere solebat.

Hinc constat Siciliæ custodiam Misenati Classi fuisse tributam, Maris vero Siculi dicti Ravennati, sive Adriaticæ, cuius jura Siculo Mari dominabantur; unde apertissime patet Adriatici nomen extensum fuisse, non Classis dominantis denominantisque, haud vero jure rei, designatæ; Ionium enim & Siculum, Adriæ nomine a Ptolemæo indigitatum cersemus, ex Imperio Classis Adriaticæ, haud vero ex Mari Adriatico, quod revera neque coerceri, neque protrahi poterat.

Tacitus ipse scribens de Angulo: *Ille (inquit) libellum composuit, quo opes Publicæ continentur, quantum Civium sociorumque in armis, quot classes regna....* quæ cuncta sua manu perscripserat Angulus. Ejusmodi liber dicebatur *Breviarium*, alias Seneca lib. 5. epist. 39. appellat *Summarium*. Eum Codicem sequentes Imperatores retinuerunt, sed prout Imperij tempora, atque usus exigebant, minuerunt, ampliarunt, immutarunt. Hinc Ptolemæum conijcimus usum fuisse summario aliquo Imperii Romani, in quo Ditio Juris, ejusque divisio, haud vero topographica Terrarum Mariumque dimensio continebatur. Ipse enim Vegetius lib. 4. cap. 32. docet: *Liburnas quæ solent in Mari locata fuerant, ad Præseclum Classis Ravennatum pertinuisse.* Fundamenta vero, hujus nostræ conjecturæ, ex ipsa evidentia elicimus. Quod enim Jure Ditionis fuit signatum, hoc cessante Jure desit signari, & Adria usque ad hæc tempora intra suas fauces extens, semper ibi eam extitisse Jure topico apertissime confirmat:

Ptolemæum excusaturi, ejus erroris originem investigandam, explicandamque operæ prætiū duximus. Quod si alicui hæc nostra argumenta infirma videbuntur, potiora & validiora asserat, neque sola negatione utatur.

Ptolemæi errorem probamus auctoritate antiquiorum Geographorum, ejus erroris fontem (ne ipsum insipientiæ arguamus.) obvia conjectura aperimus; illi vero qui in sententiam nostram ire recusabunt, dent saltem aliquid quod Ptolemæicam novitatem, vel leviter confirmet; neque se eruditissimè satifecisse arbitrentur, vano illo circulo: Ptolemæus dixit, ergo vera dixit, & vera dixit quia Ptolemæus dixit: hæc enim sunt puerorum ludicræ ineptiæ, haud vero sanæ mentis ratioeinationes. Classis Adriaticæ jura, cum ipso Adria a Ptolemæo confusa dicimus, ut cum ipso blande, & molliter agamus, tacet enim erronea Ptolemæi auctoritas ubi antiquorum Geographorum loquuntur documenta.

Germanicum a Germania derivata, *Scipionem Africanum* ab Africa domita denominatos fuisse accepimus: at nec *Drusum* in Germania neque *Seipionem* in Africa, natos esse inde colligere possumus. Equites Germanici, ad Germanici defuncti memoriam instituti, Germani ne sunt dicendi? *Luciusque Emilii Paulus, Macedonicus* dictus a Macedonia subjugata, ex Macedonum gente vocabitur? alter ne *Numidicus* a Numidia subacta, Numida dicetur? Siculæne Maris

Classis

Classe Adriatica custoditum, Adria nuncupabitur; ita ut Ditio Romanæ Classis Geographica elementa evertat?

Primigena Marium nomina, Geographice scribentibus, sacro quodam jure sunt tenenda, innovationesque omnes vel vitandæ, vel explicandæ; quod nisi fecerint, tenebras pro luce, nubem pro Junone, eos complexos esse dicemus.

Quod olim Mare Adriaticum vocabatur hodie *Culphus Venetus* dicitur, at accuratus Geographus Adriæ nomine penitus oblitterato *Culphumne Venetum*; nudo atque absoluto nomine describere poterit? Hæc nova denominatio desumpta est a Jure Classis Venetæ, Mare hoc custodientis; quæ quidem vox *Culphi Veneti* Latino-Græca Adriæ intra sauces adhæsit, cum Veneta Classis Saracenos Adriatico Sinu expulit, Narentanosque delevit, quod ante Emanuelis Græcorum Imperatoris tempora contigisse docet Dandulus de Thoma Mauroceno differens. Ut tamen incongruam rem præstaret is Geographorum qui Adriam in Culpho Veneto a Jure Classis Venetæ sic dicto, oblitteratum affirmaret, sic extra aream claudicavit Ptolemæus; qui Siculum Mare oblitteravit, & Adriam induxit, ex sola Adriaticæ Classis ditione.

Hoc autem discrimen esset inter novum aliquem Geographum, & Ptolemæum, quod Adria & Sinus Venetus, cum sint idem in se, jure topico rei, promiscue usurpari possunt, & Adria accipi pro Sinu Veneto, & Sinus Venetus pro Adria. Siculum vero & Adriaticum Ptolemæi, Jure ditionis confusum promiscue usurpari haud possunt, neque enim Tergestum dici potest in mari Siculo, neque Messana in Mari Adriatico. Collimitia, & divortia Marium sacro jure servari debent, ne in pristinum Chaos quodammodo incidamus.

Esto enim Adria cum Mari Siculo idem fuerit, esto Adria usque ad Melitam Africanam pertigerit, quid inde eveniet? Chaos profecto & tenebrosa quæstio, quæ non solvetur neque solvi poterit in æternum & ultra.

Melita Illyrica, æque ac Africana essent in Adria; cetera quæ Divus Lucas narrat, de utraque intelligi possunt; hoc tamen discrimine, ut Philomaltenes miraculis utantur in controversia Serpentum, nos vero haud sic. In hac itaque licet fidentia paritate, quidnam querendum est nisi quæstionis centrum, quod est Adria? At si centenis documentis eximie diligentie auctorum qui vel ante Divum Lucam, vel cum Divo Luca; vel post Divum Lucam, sed ante Ptolemæum floruerunt, nos evincimus Adriam extra suas sauces, numquam prolatatam; si ipsius Ptolemæi errorem, fontemque erroris detegimus, quinam fieri poterit, ut Ptolemæi unius falsa atque erronea auctoritas, tot clarissimorum Geographorum documentis anteponatur?

At dicent Philomaltenes, Ptolemæi auctoritatem eo perductam esse, ut nemo de ea dubitare possit, quæ neotericorum testimonio fuleitur, & in dies augeatur. Itane ex continuatione erroris, veteris Magistri Ptolemæi error, vires capiet? Scylacis, Scimni, Characeni, Strabonis, Plinii auctoritas nuci floccique facienda erit, falsa, nova, atque inaudita, docente Ptolemæo? Illi etymon; illi historicam Marium feriem,

riem, illi sacros quodammodo limites dant, explicant, designant; iste unus, erroribus scatens, centenis ferme annis post Diuum Lucam scribens, nudo Adriam nomine deceptus, eam auctori tatem adeptus dicitur, ut & veterum testimonia evertat, & Diyo Lucæ ante ipsum scribentem sacrum prætulisse confiteatur?

Contentio quidem omnis Geographicæ, & erudita est; at si fabulæ commentis, & falsis hypothefibus Philomatenfes indulgent, nihil tam sacræ, nihil tam rationibus falcitum, quod, per cavillationes, & suphlimata obtenebrari non possit.

§. II.

Gorgius noster, brevissimo labore, (1) Horatii Flacci testimonium, funditus delevit, vel delevisse sibi visus est. Ut se se, ab omni explicatione expediret, eruditus quidem, at plus æquo cordatus ille noster Scriptor, Horatium metri gratia, assum fuisse ad Adiacum Promontorium Adriam perducere, affirmavit: quod neque tantum Poetam, neque tantum Criticum decet. In illius v-rba jurare renuimus, neque adeo nos esse cordatos profiteamur, ut Horatium sterilem, & verborum inopem dicere audeamus. Veritas itaque nos manuducat.

(1) Horatius Flaccus lib. 1. Epist. 18. Pugnam Adiacam in Adriâ indigitasse videtur.

Adia pugna
Te Duce per pueros, hostili more refertur
Adversarius, est frater: lacus Adria
Unus itaque ex Scriptoribus Latinis, & iste quidem ex Poetarum numero, Adiam ad vicinum Epiri Promontorium cecinisse videtur; ceteri vero Latinorum atque Græcorum, Adiacum Promontorium in Jonio & Siculo statuunt, vide Strab. lib. x; Geographonæ ad Poetæ credendum.

P. Juvenius Sor. Jof. in notis ad Horatii textum illustrandum appositæ, Adriam, ait, a Flacco ibi memoratam, propterea quod, juxta extrema Maris Adriatici confinia, Adiacæ prælio decertatum fuit. Omnes Romanarum rerum Scriptores, sive Græci, sive Latini, Pugnam Adiacam referunt ad Promontorium Adiacum, quod in ea Epiri parte est, quæ Mari Jonio insidet, quodque hæc pugna nomen dedit, & ab ea celebritatem nominis est consecutum.

Sext. Propertius Avelinus, de Pugna Adiacæ navali, sic cecinit lib. 4. vers. 15.

Est Phœbi fugiens aliamans ad Litora portus

-Hoc

Qua

in Jonio decessisse fuisse; neque metui gratia recutitas Poetae Jonium usurpavit; semel enim & iterum eadem vocantur; sed si ceteri veteres Poetarum, quodlibet Maris nomen, pro Marinaliqua ditione asserant, tamen cum topice, vel res, vel facta describunt, combinatorie curata scriendi methodo, non recedunt.

Idem Propertius lib. 3. Eleg. 191 primum Adriam, deinde Jonium nominat; unde satis patet, Adriam ejusque Sinum, ante Jonium, neque idem cum Jonio fuisse, ea ratione qua Propertius scribat.

lib. 1. Eleg. 20. *Adriaci neque equos possidet*

nonne de hinc per Jonium ventus est.

Quae eadem Propertii carmina hydrographice scripta, haud vero Poetica, tempore inficiari potest. Plutarchus in Antonio, sic habet. *Suberant... Antonio ab Eurbrato, & Armenia usque ad Ionium Mare & Illyricum omnia; Cæsareque ab Illyrico usque ad occidentem Oceanum; & inde usque ad Tyrrhenum; periculum Mare omnes provincias.* Caesar autem Classem Tarenti, Bona-fione continens parvulus infirmitatem, non ad ostendendum molliorem ostentationem paratis.

Interim Antonio apud Aethium Nereidum statim sonante eo loco, ubi nunc est Nicopolis, transmissa Jonio Mari Caesar, Tarentum & Epurum occupat.

Ex his itaque patet Antonium fuisse in Jonio, Cæsarem autem in Adria, qui Brandisium est. Cum tamen Antonius naves apud Aethium in statione teneret, Cæsar transmissa Jonio, in Epirum migravit, & commissa pugna apud Aethium Epiri promontorium, quod Jonio infidet, pugna eadem in Jonio haud vero in Adria, ad Horatio refert deesse.

Quod Propertio erat Jonium, idem erat & Horatio, uterque enim eadem notate, & de eadem se scribebat: Propertius floruit anno xv. Horatius vero obiit anno vii. ante Christum natum, totius humani generis Reparatorem. Quod vero posterioribus annis Plutarchus scripsit accidi se in Jonio, id ab Horatio haud ignorari poterat, qui Adriacæ pugnae tempore usque Romæ deiebat, & Mecenati ad eandem pugnam proficiscenti se secum iactabat; Epodon lib. 1.

Ibi Liburnis inter alta Navium.

Philomaltenses mirramem præstant, qui ymnis, & emendatione satiationis, nos in ea angustias redeunt, ut in Geographica quaestione in Davi Lucae sacra Historia explicanda, Romanos Poetas, & Oratores elucidare necessum sit. Quasi vero ceniendum esset, Sacrum Hydrographum in rebus Geographicis, & Hydrographicis, cum Græce scriberet, Latinis Poetis, & Oratoribus potius, quam Græcis Geographicis adhaerere. Ratio tamen in promptu est, quæ Horatii testimonium explicabit.

Possimus, si tergiverſandi animus eſſet, allatum Horatii teſtimonium ex lib. 1. Epist. 18. ſic explicare. Atonius erat in Jonio apud Actium: Cæſar in Adria apud Brundifum, antequam adverſis armis coirent. Qui itaque Actiacam pugnam referre volebat, is primum Claffum ſtationes, & deinde progreſſum pugnae exitum, ut ſingeret, neceſſum erat.

Quapropter Lollius (de quo Horatius) cum in lacu quem in ſuis prædiis habebat, Actiam pugnam ludicra puerorum manu referret, & Cæſaris perſonam ageret, ejus vero frater Antonii loco eſſet; primum Claffum ſtationes, deinde ipſarum concurſum, denique pugnam exhibuiſſe cenſendus eſt. Cum vero hæc omnia, partim in Adria, partim in Jonio, vel ad utriuſque conſinia geſta ſint, quis Horatium iacuſare poterit, ex eo quod Adriam potius, quam Jonium nominaverit?

Poſſemus cum Scholiaſte Appollonii lib. 4. Argonaut. aſſerere, ex conjunctione Adriatici cum Jonio, interdum *nara munda* ut ſempiternum; Adriaticum a Poetis uſurpari pro Jonio, & viciliſim Jonium pro Adriatico; vel cum Sulpicio, in tres partes Jonium dividere ſcilicet in *Adriaticum*, in *Achaicum*, & in *Epiroticum*, & inde conijcere, Horatium partem pro toto iumpſiſſe. At hæc omnia quæ Georgius noſter potius aſſerre poterat, quam Horatio audaciæ notam inurere, iis relinquo, quos verbi contraverſa torquet, quive contentionis cupidioreſ ſunt, quam veritatis.

Plutarchus hiſtorica fide ſuis quæque nominibus indicavit, & in iis, in quibus geſta ſunt locis diligenter excripſit. Propertius accurate Actiacam pugnam, pro rei, locorumque veritate cecinit. At Horatius licet accuratus ſit, & veritatis ſtudioſiſſimus, cum Aulicum ageret quidquid Auguſti gloriam, vel ornare, vel augere poterat, ſedulo contectabatur.

Hæc itaque de cauſa, Actium Promontorium quod Jonio Mari infidet, in Adria ceciniſſe videtur, ut inde duo hæc paterent: *Unum* Adriaciſ Navibus nempe Liburnis, victoriam a Cæſare fuiſſe reportatam; *alterum* Adria ſubacto ejus jura cum victricibus armis, ad Romanos deveniſſe, Auguſto Maris inſulas, oramque Maritimam a prædonibus vindicante.

Si quis vero in hydrographico themate Poetis potius, quam Geographis veller indulgere, is proſecto uberrimam in Horatio tergiverſationum meſſem nanciſceretur. Horatius lib. 2. Carm. ode 6., Mare quod ante Syrtis eſt, vocat *Mare Maurum*, at Libycum eſſe conſtat. Epodon 10. vocat *Jonium Sinum*: lib. 1. ode xxviii. vocat *Illyricas undas*: lib. 2. ode 1. vocat *Mare Daunium*, quod lib. 1. ode 3., ode 27., & lib. 3. ode 3. vocavit Adriam.

Statius quoque Silv. lib. 3. de itinere Celeris, primum canit *Siculum profundum*, deinde *Adriam*, denique *Mare Carpathium*; Thebaidos lib. 6. *J. nii & Lybci iras* memorat & lib. 9. *Seditionem Maris Siculi* deſcribit. Ex Poetis itaque Marium divortia, & collimitia, neque accerſiri, neque haberi poſſunt, quis enim in Statio, vel loca, vel divortia inveniet Siculi, Jonii, Adriæ, & Carpathii, ſi eo ordine, quo Poeta uſus eſt, illa exquirat? Georgius noſter, miram novamque rem præſtaſſe ſibi viſus eſt, qui Poetico Statii ceſtro morem gerens, ut Adriam cum Carpathio explicaret, naſtus eſt novos Adriatici Maris impetus, quos nautico vocabulo appellari dixit: *La Fogara del Golfo di Venezia*, quoſque

per

per amplius centena millia passuum propagari asserit. Quam quidem nauticam eruditionem, si præterisset silentio noster ille Scriptor, laudandus esset, satis enim eum satisfecisse eruditis judicamus, argumentis quæ subdit; nos vero si Statii testimonium aliquis contra nos stare affirmabit, petemus ab eo, ut Siculum, Jonium, & Adriam cum Mari Carpathio, divortiis limitibusque explicet, & proinde Poeticam hydrographiam afferat, ut Geographica elementa, quæ ordine, & ratione constant, evertat. Quonam enim Scævus, Siculum & Jonium collocasse dicendus est, cum Adriam Mari Carpathio jungit? quonam Adriam coniecit, cum Siculum, Jonium & Libycum eduxit? Ergo ne Adriæ ex Statii cantu, ad orientem Cretæ perducendus est ut Carpathio Mari jungatur? Satiusne Poetico æstro permotus, post fretum Siculum, tractum illum Maris Prothei figuras, personisque agentem, designare poterit, Siculo, Jonio, Libyco, & Adriatico nomine, ejusque tam monstruosa hydrographia, apud Philomaltenes, eam auctoritatem habebit, ut Divo Lucæ Statiū faciem prætulisse asserunt?

§. III.

OMnes Geographi qui innotuisse Divo Lucæ poterant, (1) Adriam genuino nomine indigitant, Italiæ affundunt, ejusdemque longitudini exæquant. Quod cum sensissent Philomaltenes ne quid intentatum vel inausum relinquerent conati sunt, haud dumtaxat Siciliam Italiæ ascribere, verum etiam Siciliam cum Italia idem unumque esse, haud veriti sunt affirmare.

(1) Torquent Philomaltenes Strabonem illisque suffragari ajunt, eximium istum Geographum quum Lib. 5. Adriæ longitudinem Italiæ longitudini exæquat. Si enim (sic ratiocinantur) Adriæ exæquatur longitudini Italiæ, & si Sicilia est in Italia, ergo Adriæ usque ad Siciliam prolatatur. At audiamus Strabonem, deinde hisce ineptiis motum geremus, quandoquidem cum Creticis Creticandum est.

Strabo Lib. 5. *Reliqua autem Italia angusta est, & longa, duobusque finitur verticibus, quorum alter in Siculum fretum, alter in Japygiam excurret. Stringitur vero utrinque hinc Adriæ, illinc Tyrreno mari. Adriæ figura, & magnitudo assimilatur Italiæ determinatæ, Apenninis montibus, & utroque Mari ad usque Japygiam*

Plumbeo calamo aliquando nobis utendum est, ne plus quam debet seriamus. Quid enim sibi velint Philomaltenes, inter quos *Cajetanus*, & *D. Ciantar*, ex hoc Strabonis loco, haud dijudicari potest. Si nos dedicerent alia argumenta, quibus Adriam intra Ceraunias, & Japygia Clausura probaremus, hoc unum Strabonis testimonium causam litemque nostram dirimeret.

Adriæ figura, & magnitudo assimilatur Italiæ ad usque Japygium : Sic docet

docet Strabo in allegato loco. *Italiam in Peninsulam redigunt mare Tyrrhenum a Ligustico incipiens, & Mare Ausonium & Adria*: Sic docet Lib. 2. *Montes Ceraunii initium faucium Sinus Jonii & Adriatici*: Sic docet Lib. 7. Quomodo itaque, vel figura vel longitudo, vel magnitudo Adriæ, extra Japygium, & extra Acroceraunia prolatari poterit? Strabonem ne an Philomaltenfes somniare dicemus? Eruditorum judicium esto.

Cum tamen nos quæstiones inanes, sine caussa, & supervacaneas vitare velimus, ultro patiemur Siciliam cum Italia unam eandemque rem efficere; licet enim neque probare, neque laudare possimus ejusmodi monstruosam Geographiam, tamen hanc caussam ipsis Philomaltenfium argumentis agemus; sequemur quocumque ducunt, & quocumque duxerint, ibi eos ipsorum armis oppugnabimus.

Adriam Strabo affundit Italiæ, a parte Orientali in Septentriones; Tyrrhenum vero, a Meridionali parte in Occasum. Si itaque Italia unam eandem rem efficit cum Sicilia, & si Italia stringitur hinc Adria illinc Tyrrheno, necesse est ut prolatato usque ad Pachynum Adria, a parte Orientali, usque ad eundem Pachynum prolatari debeat Tyrrhenum a parte Australi.

Quibus ita dispositis, necesse erit, ut Philomaltenfes fateantur partem Australem Siciliæ, ut eam quæ cum Italia idem est, a Tyrrhenom mari allui. Deinde si Melita Africana, haud solum Australis est respectu Siciliæ, verum etiam in Africum, sive Libam tendit, respectu Promontorii Pachyni, necessum erit illam in Mari Tyrrhenom collocare, haud vero in Adria: unde patebit eam tergiversatoribus necessitatem subesse, ut numquam sibi constare possint. At si aliquis intelligit Siciliam efficere unam eandemque rem cum Italia, is damnandos, cremandosque curet, tot illustrium Scriptorum libros, qui ne per jocum quidem, ejusmodi mostra fingere permittunt.

Strabo Lib. 5, ut demonstravimus docet, *Italiam finiri duobus verticibus, quorum alter in Siculum fretum, alter in Japygium excurrit*.

Polybius Lib. 2. *Triangulavi forma Italiam delineavit*.

Pomponius Mela Lib. 2. *Frontem Italiæ in dua cornua se extendentem, & mare quod inter utrumque admittit, tenuibus promontoriis distinguit*.

Plinius Lib. 3, docet a Locris Italiæ frontem incipere.

Thucides ipse Lib. 6. *Siculos, ait, ex Italia in Siciliam observato freto trajecisse*.

Philomaltenfes Hydrographi, invito Neptuno, Adriam usque ad Africanam Melitam protrahunt; at numquam docent, Adriam ab aliquo Scriptore extra Sinus Jonii fauces usurpatam. Verum ne aliquid magnum ab illis exposcere videamur, doceant tantummodo unum ex Antepolemcæis, Insulam in Siculo mari positam, vel aliquod navale prælium confectum in Siculo, vel Lybico Mari, sub Adriæ nomine exposuisse, ut Divus Lucas haberet quem imitaretur. Nos enim haud satis ducimus, ex divitiis vel ex adhæsiione marium, evinci posse, ut Adriam intra Illyricas oras, Italasque regiones inclusum, per ambages, & consequentias ex antipodis petitas, affirmare possimus, unum idemque esse, cum Ionio, Siculo, Cretico & Lybico mari, eaque omnia unius Adriæ nomine completi.

Stulti

Stulti itaque omnes Geographi, qui cum uno verbo se expedire possent, e tanta marium dimensione, tot nomina consecrerint. At haud stulti illi, qui Maria a denominatione terrarum quas alluebant nuncuparunt, ita ut Mediterraneum Mare, quod universale est, in diversas, quasi Provincias divideretur, & in Mari esset locorum denominatio, eadem dimensione circumscripta, qua Provincias in continente positas, metimur.

Marium vero divortia, haud sola auctoritate Geographorum statuiamus, verum Historicorum omnium Principis testimonio firmamus. *Thucydides* is est, quem Philomaltenfes aliquando in auxilium advocant; nos vero in quaestione Adriæ, quid *Thucydides* ipsi prodesse possit, profus ignoramus; ille enim Adriæ nomen nusquam usurpavit. Hortabimur itaque Philomaltenfes, ut primum legant Scriptores quos advocant, & deinde ad ipsorum auctoritatem tam fidenter confugiant.

Nos *Thucydid*i hæremus, ut divortia marium vel ab ipso Historiarum Principe designata comprobemus.

Thucydides Lib. 6. apertissimis verbis Jonium Sinum a Mari Siculo dividit; Jonium enim Sinum ad terram statuit, Siculum Mare per altum se ferentibus indigitat. . . . *Ut Sicilienses quidem iisdem finibus utentes, quibus nunc, de quibus non est quod apud vos querantur. Ionico Sinu si quis navigando terram legat, & Siculo si quis per altum feratur: sua possidentes, res item suas component.* *ἡ Ἰωνία ὡς περὶ παρὰ τὴν, καὶ τῆς ἡλίας, καὶ τοῦ σικελικοῦ διὰ πηλαγῶν; καὶ αὐτῶν ὑπομνήσεις.*

At expendamus mentem *Thucydidis*, ut ipse nos docet topographicam Mariis Siculi positionem. Lib. 4. Hoc autem fretum est, inter Regium & Messanæ qua brevissimo spatio Sicilia distat a continente; atque hæc est, quæ *Cadybdæ* appellata fuit, qua *Ullisses* transisse fertur. Hoc autem mare propter loci angustias, & ingentium Marium *Tyrrheni*, & *Siculi* concursus. . . . *διὰ τὴν στενότητα δὲ καὶ ἐν μεγάλῳ πηλαγῷ τῷ τε τυρρηνῷ, καὶ τῷ σικελικῷ.*

Thucydides igitur Mare Siculum, quod magnum vocat, ad fretum Messanæ statuit, ibique docet concurrere cum *Tyrrheno*. Siciliensis itaque ora quæ Orientem spectat, Siculo Mari alluitur, & Siculum Mare, nullibi cum sinu Jonio confunditur, imo apertissime ex verbo *Thucydidis* Lib. IV. discriminatur.

Exquiramus nunc topicam Sinus Jonij positionem Lib. I. *Epidamnus est urbs ad dexteram sita navigantibus Jonium Sinum versus.* *Ἐπιδάμνιος ἐστὶ πόλις ἐν δεξιᾷ ἱσπλιόντι τὸν Ἰόνιον πόντον.*

Illud. *Navigantibus Jonium Sinum versus*, delendum videtur, censumque tutiorem versionem effici legendo: *Naviganti Jonium Sinum*, aliter judicandum esset, nondum Jonium Sinum attigisse, cui naviganti *Epidamnus* ad dexteram foret: quod in ipsam evidentiam pugnat. Ignoscant nobis *Laurentii Vallæ* Manes, ejus enim est illud *versus*; quum enim de Geographia agimus, ratio a nobis expetit ut verba verbis metiamur.

Asserunt *Philomaltenfes* *Cluverij* testimonio, *Thucydidem* ab Orientali Siciliæ latere, ad Cretam usque Adriaticum Mare perduxisse: quod quantum a rei veritate abest, docet nos ipse *Thucydid*es Lib. IV.

(XXXIII.)

Cythera autem est Insula, quæ agro Laconico adjacet, e regione Maleæ. Simul etiam piratæ Laconicam oram a Mari (qua tantum infestari poterat minus infestabant. Tota enim hæc Insula consurgens ad Siculum & Creticum Pelagus porrigitur πρὸς τὸ σικιλικόν, ἢ κρητικὸν πέλαγος.

Si vero Cytera (hodie Zerigo) ad Siculum, & Creticum Pelagus porrigitur, ubinam Adriaticum ad Cretam usque protractum? Adriaticumne Mare ad Cretam protraxit Thucydides, qui numquam Adriam nominavit, qui de Cretico & Siculo Mari loquitur, qui Lib. 6. Siculum Pelagus, a Jonio Sinu dividit?

Sic ex falsis hypothesibus, ex conficta scriptorum auctoritate, ex conglomerationis diverlorum Marium finibus, quod nemo Geographorum fecit, Philomaltenfes efficere conantur. Luctuosissimo veritatis fato accidit, ut Scriptores ii, qui res agunt omni prorsus ratione destitutas, ad insidiosa loca confugiant, & inversis, mutilatisque auctorum testimoniis pugnando, vicisse revera putent, dummodo vicisse videantur. Quod quidem aliqui ex neotericis Philomaltenfibus fecere, ut in sequenti exercitatione demonstrare, & evincere aggrediemur.

EXERCITATIO III.

§. I.



Elita Africana Propugnatorum ditissima, recentioribus hæc annis, nacta est disertissimos Apologistas qui Georgio nostro diem dixerunt: Alter est Pater (1) Rupertus a Sancto Gaspere Carmelita; alter D. C. Joann. Anton. Ciantar; hic Disertationibus Apologeticis, ille inspectionibus amicis. Utrumque ex his disertissimis viris, summo obsequio prosequimur, & ea quæ a nobis unicuique ipsorum tribui debent ultro tribuimus. At non omnes ad omnia nati, nec si eos heic dormitavisse asserimus, in aliis vigiles fuisse negamus: potest aliquis Martem potius amplecti quam Minervam, & Scholasticis tergiversationibus plus pollere, quam critica eruditione.

(1) Strenuissimi Apologistæ, impiane Georgium inculant, & nebulonis, veteratoris, Impostoris nomine mortuo Leoni insultant. At gratia sit verbo, blaterones isti accusationes facilius fingere, quam probare dicerunt. Ipsi quidem cum nova argumenta non haberent, novis jurgiis

C

Geor-

Georgium nostrum adori studuerunt, ita ut si quis ipsorum volumina evolveret, nulla temporis, quo typis mandata sunt, habita ratione, ac deinde anticriticas Georgij inspectiones expenderet, haud fieri posset, quin Georgium posteriorem fuisse in scribendo censeret: adeo recte adeo rancidæ sunt Apologistarum argumentationes. Nihil ab ipsis vel dictum audivimus, vel scriptum legimus (si jurgia excipias) quod ab ipsorum antesignanis, vel dictum, vel scriptum non fuerit. Etsi nobis nihil negotii sit, cum hujusce surfuris Scriptoribus, qui Cælum, Terras, Maria omnia permiscere sunt aggressi, ut veritatem sophismatum nodis torquerent, & quorum argumenta Georgius ipse per modum objectionis delevit, tamen cum novos errores attulerint, ne quis nobis obicere possit hæc illustria verborum monumenta; specimen aliquod exhibendum censemus, eruditionis illius, qua hæc commenta exundant, ut quisque discere possit ab ungue Leonem.

Pater Rupertus Vulgatæ auctoritatem extollit, Georgiumque carpit, propterea quod Græcum Primigeniumque textum, Vulgatæ versioni apposuit, hand opposuit; at Theologus iste tergiversator sortassis non animadvertit vulgatam versionem, quo ad fidem & quod ad mores, tum a Georgio fuisse habitam, tum a nobis summo in pretio haberi; sed nec fidei, nec moribus obstare, si quis Criticum agens, Anemographicum puta, Hydrographicum, Geographicum, aut quemvis alium, Archetypo fonti hærendum ducat, vel ex eo deducat quidpiam, quod aut vulgatæ editionis textum illustret; aut variantem lectionem inducat, vulgatæ editionis lectioni, sin minus præferendam, non despiciabilem tamen, immo vero nonnumquam exequandam. Data est facultas hæc Interpretibus universis, eamque commendat, fovet, augetque in dies Ecclesia universa. Ni ita sentiret, Interpretum lucubrationes, versiones omnes, codicesque propemodum universos, eliminandos curasset, vetuissetque ne aliquis Astronomum, vel Geographum ageret, sed quisque vulgatæ versionis verbo inhaereret: proinde Adriam pro Adria, Meliram pro Melita acciperet, neque enim Melitæ, neque Adriæ locum scire posset, si versionis nudum verbum pro Canone Geographico, vel Anemographico susciperet; idem per Idem explicandum foret omnique Interpretum labor inutilis, imo impius videretur.

Heterodoxis quoque favisse Georgium criminatur quod Philomaltensum miracula despiciatui haberet. At quis adeo superstitione phanaticus ut Georgium negasse Miraculorum fidem affirmet, propterea quod Miraculorum characterem Maltensum prodigiis negavit? Summo itaque in pretio sit Vulgata versio; ex ipsa ediscamus quod credendum est, ut fides nostra sana sit; at Geographicas, aliasque non abssimiles questiones, ut Pater Rupertus ventilare, & intelligere posset, Doctrinam quærare debebat, non ex Sacellis, neque ex Templorum Sanctuario per vim erutam, sed ex Textu Scripturæ probe intellecto, & ex Geographicis, & Criticis Auctoribus petitam.

Iste tamen accuratissimus zeloque inflammatus Scriptor, haud veritus est articulum potissimum Catholicæ fidei, cum testimonio Ptolemæi confundere, & inter tenebras hominis desipientis, & Sapientissimam æterni

æterni Solis lucem comparationem institueret. Sic P. Rupertus, „ Pa-
 „ tres Concilii Nicæni, primi de Consubstantialitate Filii verbum fo-
 „ cerunt; Ergone ante ipsos Consustantialitas Filii erit neganda? Sic
 „ & Ptolemæus, licet primus Adriæ fines prolataverit, haud tamen
 „ negari potest, Adriæ fines ante Ptolemæum eisdem fuisse. „

Hinc quisque colligere potest, ne quid gravius dicamus, quanta sint
 in hoc argumento misera. At idem P. Rupertus, qui Georgio suc-
 censuit ob Græcum textum, vulgatæ versionis appositum, sic claudicavit.

Dat veniam Corvis, vexat censura columbas.

§. II.

CUM tamen aliquando Pater Carmelita dubitasset
 an aliquis ante Ptolemæum, Adriam extra Ce-
 raunia Jуга, & Japygiam acram prolataverit, tandem
 sibi vilis est in (1) Aristotele Medusæum caput in-
 venisse.

(1) Illa cæca, atque ridenda P. Ruperti, ex Aristotele argumenta-
 tio, basis & fundamentum est totius operis quod condidit. Sic Aristote-
 les. Itaque primum quidem Oceanus dicitur finem efficere duplicem ad
 dexteram intronavigantium per Hercules columnas, nempe duas quas di-
 cunt Syrtis, quasque majorem, & minorem appellant. At ex altera par-
 te non ita Sinuosus, tria constituit Maria, Sardiniese & quod vocant
 Gallicum, & Adriam, ab his deinceps sequitur Siculum Mare porre-
 ctum in obliquum & Creticum post ipsum in Orientem.

Sic deinde argumentatur P. Rupertus, „ Quadringentis annis scripsit
 „ Aristoteles ante Divum Lucam, atqui Aristoteli non fuit Adria, „ Si-
 „ nus Adriaticus, ergo nec Divo Lucæ. Hinc Adriam Aristotelis,
 „ manibus pedibusque accomodat, inter Siciliam & Melitam Afri-
 „ canam.

O formosum hominis caput, dicere possemus. Divus Lucas sciebat
 se esse in Aristotelico Adria, qui inter Siciliam, & Africanam Meli-
 tam est, & tamen terram non agnoscebat?

Sciebat P. Rupertus se esse in Platea Divi Marci, & tamen Procu-
 ratorias ædes non agnoscebat?

Aristotelem explicare supervacaneum est, satis enim patet Maria
 ab ipso denominata fuisse, ab Insulis & Littoribus, quibus circumfun-
 debantur. At P. Rupertus, in Codice fortassis, non a Columbo sed
 a Corvo aliquo, ex Australibus terris delato, Adriacam aliquam ur-
 bem in Siciliæ Meridionali parte, vel in Melita Africana, invenit, a
 qua Aristoteles Adriam ibi a Carmelita collocatum denominavit. Philo-
 sophi rerum causas exquirere solent, at P. Rupertus somnia Geogra-
 phice describit. Ejus tamen nodum ex araneæ filis contextum plum-
 beo gladio rescindemus.

Ne gratis aliquid asserere videamur, sumpto Circino, rem enuclea-
 tam præstabimus.

(XXXVL)

I. Aristoteles in dextera parte collocat Syrtis Majorem, & Minorem, in sinistra vero Mare Sardoum, Gallicum, Adriam, Siculum & Creticum.

II. Navigando itaque ab Hecensibus columnis Orientem versus, antequam ad primam Syrtim, quæ & Occidua est, & minor est, pervenire detur occurrit Promontorium hodie dictum *Capo Bona*.

III. Ab acra præfati Promontorii *Capo Bona* cursum ad Orientem continuando, Melita Africana quinquagenis mill. pass. dextera prospicitur; ita ut respectu directionis, quæ tenenda est ad Orientem, & respectu lineæ latitudinis, quæ ab occasu in Orientem secat memoratum Promontorium, Africana Melita in eo Sinu sita sit, quem Minor Syrtis efficit. Promontorium enim jacet ad XXXVII. gradus Latitudinis in Septentriones, & Melita Africana ad XXXVI. uno ferme gradu recedens in Meridiem.

IV. Si Promontorium *Capo Bona*, quo clauditur Syrtis Minor ab Occidente, jacet in Sinu dextro Aristotelis, & si Africana Melita uno ferme gradu in Meridiem protensa, clauditur eodem Promontorio, quomodo Mare Adriaticum, quod in Sinu sinistro Aristotelis est, alluere potest Melitam Africanam quæ dextera est, quæ in Africa est, quæ Syrtim utramque spectat, & quæ præfato Promontorio *Capo Bona* clauditur ab Occidente? Erunt dexter gradus XXXVII. Latitudinis, Sinister vero gradus XXXVI. Ab Occidente in Orientem navigantibus?

Reverere enim vero haud possumus, quin Patri Ruperto nos nimium morem gessisse dicamus, pudeatque nimium detentos, & immoratos in hoc infirmissimo illius argumento. At hoc deleto integra duo, nec levis ponderis volumina, a P. Ruperto conscripta prorsus concidunt.

Verum si ille optimus, ut ajunt, Hydrographus, cum de Anemographia, cursuque in Mari navigantibus tenendo, disserit, mirum in modum nos delectat, & suavi quadam jucunditate animum nostrum permulcet, ut risu abstinere nequeamus. En Patris Ruperti verba.

„ Aspirante autem austro (quod ad varia Australia extendi potest
„ exempli gratia ad Libonotum, hoc est Ostrolebecchio, Ostro Gar-
„ bino, Sud Sud V V &c.) aspirante inquam austro æstimantes, ait
„ Lucas, propositum se tenere, lægebant Cretam. Non multum au-
„ tem post misit se contra illam ventus Typhonicus, qui vocatur
„ Euroclidon (vulgata) Euroaquilo. Cumque arrepta esset Navis.
„ & non posset conari in ventum, data Nave statibus ferebamur.

Sic P. Rupertus verbis Divi Lucæ, quem veneramus; at de Parenthesi illa, quæ tota Rupertiana est, asseritque Austrum ad varia Australia extendi posse, quidnam dicendum erit?

Austrum ad Australia extendi posse haud negamus, Austrum tamen qui Cardinalis ventus est, quum solus nominatur, collateralibus ventis, haud permisceri posse asserimus. D. Lucas qui *Corum* & *Africum* noverat, noscebat etiam *Lybonotum* & *Euronotum*, at cum Austrum nominat, Austrum, qui Cardinalis ventus est intelligimus.

gimus. P. Rupertus, more suo, ineptit, nemo enim cui sana mens in corpore sano, haud dumtaxat scribere, verum etiam nec suspicari potest, Navim qua vehebatur Divus Lucas, *Cretam legendo*, navigasse ad Occasum flante Lybonoto, sive Ostrolebecchio; ejusmodi enim navigatio pugnat cum primis Nauticæ artis elementis.

Vehementiorem illum ventum, proinde P. R. asserit, innixus vulgata Sacrorum Bibliorum lectione, ab Aquilonaribus regionibus flantem. Nos Vulgatam lectionem veneramur, ventum tamen Aquilonarem fuisse, serio, fidenterque negamus. At si ventum Aquilonarem negamus, rã Euroaquilo Latini Interpretis quomodo explicabimus? Nodus hic facillime solvitur, omnisque Aquilonaris venti suspicio protus evanescit. I. Cretæ positio, Navisque directio Geometrica demonstratione docent, minime fieri potuisse, ut vel ventus ille Aquilonaris esset vel Eurus, qui nunquam Aquiloni collateralis dici potest, pro Euroaquilone interpretaretur: II. Latinus Interpres appositus Euro Aquilonem, ut Euri tum ingruentis indolem exprimeret, id est Eurum cum impetu, instar Aquilonis vehementis, excitantis in Mari fluctus, quod ipsum significat *ὑπὸ πύλῳ*. Nos in quarta Exercitatione, Cretæ positionem, ventum, Navisque qua vehebatur Divus Lucas directionem explicabimus, heic vero brevioribus verbis evincemus, ventum illum, ut videtur Clarissimo P. Ruperto, haud retulisse proram Navis, ita ut in *Austrum* unde venerat reverti cogere-
tur: quæ quidem Rupertiana verba Interprete indigent.

Hæc itaque statimur. I. Flante Austro Navis qua vehebatur D. Lucas, necessitate coacta, cursum dirigere debebat ad Occasum Equinoctij. II. Necessitas qua cogebatur, patet ex ipsa Cretæ positione, quæ ab Oriente Equinoctiali, in Equinoctialem Occasum recta se profert, paululum deflectens post dimidium Inulæ ex parte Meridionali ad oram Occasus æstivi. III. Demonstrata Cretæ positione, spirante austro, Navique terram legente, non nisi in Occasum Navis vergere poterat. IV. Navis ex Austri statu, ex positione Cretæ, ex necessario Navigationis cursu, proram in Occidentem intendens, retundi non poterat, Orientali vento, sive noster *Sirocco* sit, sive adversariorum *Orore Levante*.

P. Rupertus, ceteri Philomaltenenses, & plerique Interpretum, advocabunt testimonium Vulgatæ.

Misit se contra illam. Nos testimonium veneramur, illudque explicabimus, directio enim Navis, positio Cretæ, ora a qua fiat Austrus, ipsa D. Lucas verba, satis docubunt, haud esse discrepantiam in testimonio, quod impium esset dicere, sed errorem in testimonii explicatione.

Erravit igitur P. Rupertus, & quicumque cum illo asserunt, proram Navis juxta Cretam, & in Occasum recta vergentis Orientali vento, ut vel postea *Sirocco* est, vel Philomaltenensium *Orrore Levante*, retundi potuisse.

Adest tamen alius jucundior istius Naucleri crassissimus error, at quod Navis statibus se committens, in *Austrum* unde venerat, reverti coacta fuerit. Ergo ne veniebat ab Austro Navis ex Australi Cretæ

portu egressa, legensque Cretam, quæ sese ab Oriente in Occidentem, profert? Ergo ne ab Austro-veniens ad Aquilonares regiones proram dirigebat? Ita ne Pater Rupertus fidenter asserit? Navis quæ flante Austro, nullibi nisi ad Occidentem vergebat, ab Austro dicitur venisse in Aquilonem? Navis ex Australi Cræte portu egressa Cretam ilegens, Austro flante, in occidentem versa, secundis velis in Aquilonarem oram venire poterat? Quid unquam tam incongruum, tam rationi atque evidentie contrarium excogitari aut fingi potest, quod Rupertianæ argumentationi conferri possit? Norunt Lippi atque Tonfores, Navim ex Australi Crætæ portu egressam proram dirigere non posse ad Aquilonarem Regionem, nisi velit Gubernator in Littus illam impingere. Id quod de Paulina Navi P. Rupertus non affirmabit opinor, nisi velit constitisse tam in littore Cretenses expectantes cum bobus, curribus, & equis, ut per altissimos Crætæ montes, ipsam in Ægeum transducerent.

Statis hæc de P. Ruperto. Neque alicui mirum videatur, nos ipsum quasi a limine salutari, quum ipse duorum voluminum mole defudans verbis, cavillationibusque, Lectores obnuere studuerit. Omnis hujus Theologi vis sita est in illo Aristotelis testimonio, quod non intellexit, & in prora Navis ad Aquilonarem regionem directæ, quæ quidem opinio naturæ principia convellit.

§. III.

P Rupertus Adriam Africanum illum, quem sibi visus est vidisse in Aristotele, dividit, a Sinu Adriatico; D. Ciantar. (1) Sinum Adriaticum contendit idem esse cum Adria Africano. Ille ut Adriam in Africa probaret, Aristotelem naufragum, volentem nolentem inter Siciliam & Asfromelitam duxit, ejusque genuina mente subversa, & secundis obruta, eam in illo Mari sepeliri jussit, ut aliquando nomen Adriæ daret Mari, in quo Paulina Navis naufragio mergi debebat; hic (D. Ciantar) Adriæ Sinum, cum Sinu Jonio, Sinum Jonium cum Mari Jonio, Jonium cum Ausonio, Ausonium cum Siculo, Siculum cum Libyco Mari confundens, Adriam nostrum usque ad Afro Melitam personatum perducit, ibique tot Prothei figuris exutum, Adriæ nomine, quod nemo unquam fecerat, a Divo Luca usurpatum asserit.

(1.) Apologistæ Philo-Maltenes, ut Adriam usque ad Africanum Melitam deducant, efficiantque calamo & atramento, quod nusquam sa-

lum

(XXXIX.)

Sum est, ab aliquo saepe mentis Geographo, afferunt Adriaticum Sinum haud esse unum idemque cum Adria. Nos vero prorsus ignoramus, quoniam in Apogæo latuerit Adria Africanus, a neotericis aliquibus novo figmento conflatus, cujus neque locum, neque etymon, neque monumentum aliquod invenire datum est. Miram profecto rem, & magnam veritatis vim, necesse est fateamur, quum enim de fabulosis, & commentitiis argumentis agitur, testimonia inter se convenientia haud facile proferri possunt.

Nova Ciantariana Hydrographia *Siculo Adriaticum* Mare nominat, & Divum Paulum, quem scripsit D. Lucas absolute in *Adria jactatum*, in Siculo Adriatico Mari naufragium passum esse contendit. In neoterica officina aliqua excusum Mare *Siculo Adriaticum* primum sub Ciantarianis auspiciis prodit, nusquam enim apud Geographos, cujuscumque ætatis, chimæram hanc monstruosam memoratam legere datum est.

Curandum erat D. Ciantar, ut archetypi fontes ex Literaria Republica eliminarentur, ne veritas ab ipso obtenebrata, ullo modo constaret. Attulit ille ex interpretatione (ut ait) Prisciani seu Rhemnii Fannii versiculos quosdam Periegetis inversos, mutilatosque, ex quibus Adriam utque ad Africana Litora Syrtimque minorem perduxit.

Æquoris at Siculi, quod vastis funditur undis

Ad notum est portus Lybia, Syrtisque vadosa

Major, at ulterius si pergas, cerne minorem

Occiduam, juxta quam Meninx insula fulget

Et Cercina simul Libyæ statione patentes

Adria quas penetrat &c.

Sic Philomaltenfis Apologista fallacissimo calamo, contra honesti scriptoris fidem, lectorem conatur decipere.

Prisciani ne, vel Rhemny Fannij, vel Remi Favini, versio illa sit; multane in illam aliunde collecta interpretes inseruerit, Criticis adjudicandum relinquimus. Quod ad nos attinet, contendimus fidenterque asserimus. 1. Versionem quam affert Apologista falsam esse, neque concordare cum Græca Periegesi Dionysii Characeni. 2. Ipsam Apologistæ reticentiam verborum, quæ post illud suum &c. sequuntur, Apologistæ adversari. D. Ciantar asserit ex illa sua fallacissima versione Insulas Cercinam, & Meningem ab Adria penetrari, quod ut Lectori persuasum faceret, nullis adhibitis punctis post illum versiculum: *Et Cercina simul Libyæ statione patentes* ubi perfecta distinctio, sive periodus erat notanda: scripsit. *Adria quas penetrat*, apposuitque &c., licet versiculus in quo Adriam Characenus memorat, discretiva conjunctione incipiat, diversamque toto cælo ab antecedentibus rem edoceat.

Characenus post Continentis descriptionem Insulas enumerandas aggredditur. Sic ille vers. 447.

Αἱ δὲ μὴν Ἰνσοὶ. οὐ δὲ μὴν Διὸς ἵνυτι Μῦρα.

Nōnnulli

Verum hic quidē propitius esto tu autem mihi.

Insularum omnium Sacram viam, quæ in Mari

Ab hominibus habitantur

Deinde vers. 467.

Trinacria autem post has super solum Ausoniorum.

Extenta est

Deinde vers. 477.

Πρὸς δὲ πρὸς Λιβυκῆς τὴν πῖρος ἢ Εὐρῆδος ἀρχή

Τῆς ἰνῆρος, ἰνῆρος δὲ αὖ ἰσὺς πρὸς τὴν πῖρος

Εὐπειῆος, τῆς πρὸς δὲ δύο νηϊδὲς ἐσσι

Μένινξ ἢ Κέρκινα λυβυτικὸν ὄρμον ἔχουσαι . .

Αλλ' ὅπως Ἀδελίδος οὐρανὸν πῖρος ἀμφιτείτου

Εὐχέλαιος ἰπὶ νῆος Ἰππυγίῳ ἰπὶ γαῖῃ

Δύνει διδύμῳ Διομήδης, ἀντίνα νῶον

Ad Austrum autem, & Libycus meatus, & Syrtidis initium est

ulterius: alteram vero videat ulterius ubi traieceris,

Occidentalem: quam ante duo parvæ insule sunt,

Meningx & Cercina Libycum portum habentes.

Verum quum Adriatici sinistram alveum Maris.

Intraveris in navi, Japygiam in terram

Invenies fortis Diomedis confestim insulam

Hæc desumpta sunt ex editione Characeni facta Oxoniæ e Theatro Scheldoniano MDCCX., quæ ad unguem concordat cum editione Lutetiæ ex officina Rob. Steph. & Abele Mathæo Jurisconsulto Interprete. Qui vero vel primis Græcæ Linguae elementis studuit, Marte proprio, accuratam versionis fidem potest cognoscere.

Proinde Meridiana luce clarius pater Characenum nunquam desipuisse, ut Adriam ad Africanam Melitam perduceret. Enimvero quum de Sicilia ejusque promontoriis, & de duabus insulis Meninge & Cercina loqui definit, de insula Diomedis, quæ in medio Sinu Adriæ est (hodie Tremiti) sermonem instituit, eamque docet lævam esse ingrediendi Adriaticum Alveum.

Integra distinctio, sive periodus est, post versiculum in quo Meningem & Cercinam memorat, proinde ut perspectum est sequitur.

Αλλ' ὅπως Ἀδελίδος

At cum Adriaci

Ignoramus profecto, quonam modo illud *at cum*, quod discretivum est, referri possit ad Meningem & Cercinam, quæ juxta oram Africanam jacent, quum Characenus de Insula Diomedis quæ in Sinu nostro Adriatico est, apertissime disserat. Priscianeam versionem, ut eam asserti Apologista erroneam, vitiosam, & falsam esse strenue fidenterque asserimus. D. Ciantar tamen quadratum in circulo se invenisse ratus, insultat Georgio in Dissert. V., ejusque fidem inculat ex non allato, tam falso Characeni testimonio.

Nobis res est cum ejusmodi Scriptoribus, qui neque veritatem norunt in iis quæ ipsi scribunt, neque errores dignoscunt in iis quæ ab aliis accipiunt.

Sed ne imperiofi nimis videamur, qui Priscianum tam fidenter incutamus; unius literæ subtractione, ex negligentia forsan in Priscianeam

versio-

versionem invecitæ, Prisciani famæ consulimus. Apposita enim integra distinctione post *v. patentes*, & legendo.

*Adria qua penetrat venias si parte sinistra
Atque legas Calabrum litus; tunc Insula magni
Ostendit sese Diomedis nomine dicta.*

Characeni textum, & Prisciani versionem lectioni geminæ restitui-
mus. Apologista quippe, qui apposuit &c. ad illud suum *Adriam
penetrat*, addere debebat & sequentia quæ attulimus verba, & pro-
inde puerum aliquem consulere; qui in primis Grammaticæ rudi-
mentis versatur, ut ab eo edisceret *v. quas* minime legi posse, sed
quæ legi debere.

Extant quidem aliqua Priscianæ versionis exemplaria, quæ Ciantarianum errorem præferunt. At ratio ipsa vel pueros docet ejus-
modi errorem Librariorum incuriæ esse tribuendum. Breuiores D.
Ciantar Dissertationes efficere poterat, dummodo accuratiori calamo
& fide scribere voluisset.

Specimen tamen aliquod Ciantarianæ eruditionis ut benevolus le-
ctor habere possit, obuiam pauca depromenda esse censemus, qui-
bus perspexit nos a malefidi Scriptoris ingenti illo volumine expe-
diemus: pugnare enim possumus in Scriptorum argumenta, at ope-
ræ pretium haud ducimus cum iis decertare qui falsis Scriptorum tes-
timoniis, falsa dicunt, & fallacibus armis concurrunt.

Melius sibi consulisset D. Ciantar, si archetypum Characeni fon-
tem, cum falsa versione contulisset, neque inopportunitum Græcistam
agendo, Georgium incensasset ob *πορδῦσι* Apollonii Rhodii redditum
freti. Apologista quippe asserit melius reddi *Trajectus*, quum *πορδῦσι*
derivetur, ut ait, a verbo *πορῶ*, quod est transeo. At quis eum
docuit, vocabulum *πορδῦσι* derivari a verbo *πορῶ*? anne verbum
πορδῦσι quod est transfretare, idem est cum verbo *πορῶ* quod est,
absolute transire? a primo enim derivatur *πορδῦσι* quod est fretum.
a secundo *πορῶ* quod est *transitus* sive *Trajectus*.

At si malefido calamo usus est D. Ciantar in Characeni testimo-
nio asserendo, versutam explicationem adhibuit, in elucidando M.
Annæo Lucano lib. 4. vers. 405.

*Illic bellaci confusus gente Curetum
Quos alit Adriaco tellus circumflua ponto.*

Heic Philomaltenensis Propugnator, ex sententia ut ait, doctissimi
Omniboni (quem nos sic sentientem, Omnino bonum terque quater-
que bonum vocabimus) asserit de Cretensibus auxiliariis loqui Lu-
canum, & proinde ex hoc Poetæ loco, Cretam in Adriam collocat.

Quod quidem quantum a mente Lucani absit paucis videamus.

Docet Florus Historiarum lib. 4. *aliquid tamen adversus absentem
ducem ausa fortuna est circa Illyricum* . . . ; quem Flori locum sic
carmine exposuit Lucanus. Lib. 4. vers. 401., quatuor enim ante-
cedentes versus, qui subsequentes explicant, D. Ciantar versuto si-
lentio reticere satius duxit.

Non

*Non eadem belli totum fortuna per orbem
Constitit: in partes aliquid sed Caesaris ausa est
Qua Maris Adriaci longas ferit unda Salonas
Et tepidum in molles Zephyros excurrit Jader..
Illic bellaci confusus gente Curetum
Quos alit Adriaco tellus circumflua ponto.*

Si igitur Salona (*Spalatro*) & Jader (*Zara*) in sinu nostro Adriatico, non *Illic* Lucani intelligendum est in eodem loco. At si Lucanus cecinit res gestas in Sinu Adriatico, quid querendi sunt Curetes ex Creta, cum eos domi habeamus, cumque de illis Lucanus senserit?

Hugo Grotius in notis ad Lucanum asserit omnino cum MSS. legendum esse *Curidium*, haud vero *Curetum*; insula enim quæ Adriaco dicitur circumflua ponto, hodie vocatur *Vegia*, Plinio *Curidra*. Ceterum haud desunt probatissimi Scriptores, qui Croatiam, vocant *Curetiam*, docentque populos qui nunc dicuntur *Chroati* olim dictos *Curetes*.

Ut clavum clavo objiceret D. Ciantar singulos ex Auctoribus, quos Georgius noster advocavit, in Georgium retorquere conatus est. At Afromelitenfis Propugnator vitreum clavum adamantino clavo objecit.

late vastavit olivas..

Instillas laurus linquere cura fuit.

In Dissertatione octava D. Ciantar asserit, testante Appiano, Insulares Melitæ nostræ Illyricæ, tum eos qui nondum pubertatis annos attigerant, tum qui exceßerant ab Augusto fuisse sublato, ita ut Insula illa penitus accolis desituta fuerit, cum D. Paulus naufragium passus est, & deserta usque ad Constantini Porphyrogeniti tempora permanerit.

Profert D. Ciantar Appiani textum de Bello Illyrico. „ Deficientes vero Melitinos & Corcyraos, qui insulas incolunt, ingenti belli mole superavit quoniam Maria classe prædabantur, & horum quidem impuberes Cæsar jussit interfici, reliquos venundedit.

Quæ quidem Appiani versio extat in aliquibus codicibus, qui sine textu Græco impune toto orbi mentiuntur, & Impuberes præseferunt cum puberes Appianus & intellexerit, & scripserit. Integrum Appiani Illyricum tractatum legimus in editione Davidis Hoeschelii, & in Codice Vaticano, ex quo nobis contigit hunc Appiani textum excerptum habere, cura & officio P. Petri Lazari ex Soc. Jes. ejus eruditè eximique viri erga Remp. Litterar: merita, neminem latent. Illum nos honoris gratia nominamus, beneficiorum enim quæ ipse in nos contulit a primis pubescentis ævi annis, cum Ragusii Rhetoricam docentem audire contigit, tanta est copia tamque animo nostro adhæsit illius memoria, ut nisi rependere possumus, liceat saltem palam fateri Quodammodo prædictum autem παρὰ λαγυνάς ἐκπαινόν τι & βίωσα, ἑτέροις δὲ αὐτοῖς ἀποστάτας Μελιτηνούς, & ἡλικιωτέους. οἱ ἥλικιοι ὡρεῖται αὐτοῖς ἀρδν, ὅτι ἐλάττω τὴν δαΐδασαν. ἡλικίαι μὴ ἡλικίαι αὐτοῖς ἐκπαι, πύς δ' ἄλλους ἀπίδω... Cod. Græcus Palatinus: var. 390. p. 41.

Quem Appiani Græcum textum sic latine reddimus. *Finitimi metu constricti. Ippasini scilicet & Resse illi adjecere. Deficientes vero Melitenses.*

Jes & Corcyraeos, qui insulas incolunt omnino deleuit, propterea quod Mare latrociniis infestum habebant & horum quidem puberes interfecit, ceteros vero venundedit.

Cum Vaticano vero Codice concordat Appiani versio Anglica :

The History of Appian of Alexandria

Made English by I. D.

London. Printed for John Amery, at the

Peacock, against S. Dunstons Church

In Fleet Street 1690.

„ VWherefore Cæsar put to the sword, all he took above four-
teen years of age, and sold the rest at outcry
Quod sic ad verbum pene reddimus.

„ Quamobrem Cæsar gladio interfecit omnes quos ceperat supra
decimum quartum annum ætatis, & vendidit cæteros sub hasta.
„ Hinc patet *puberes* haud vero *impuberes* fuisse interfectos; deletis enim
Melitenisibus & Corciræis prædonibus, qui Mare latrociniis infestum
habebant, haud censendum est Cæsar's Victoris gloriam, crudelitatis in-
humana barbarie diminutam, qui in tenerum innocentemque puerorum
sanguinem, in viduas, virginesque sævas manus inferri iusserit. Ne-
que nobis per incongruas fictasque interpretationes licet historiam Appi-
ani torquere; ut deletis Melitenisibus prædonibus, ipsam Melitam flam-
mis ferroque devastatam, incolis desertam expoliataque affirmemus;
neque Melitenes & Corciræi prædones deleti, prædia quoque illor-
um eversa, domus dirutas, insulas quas incolebant, vastatas, de-
populatæque indicant, vel indicare possunt.

Nova hæc Ciantariæ commenta, nullis Historicorum testimoniis,
documento nullo fulciuntur. Porphyrogeniti auctoritatem advocavit,
ut Melitam nostram ab Augusti Cæsar's temporibus, usque ad ejus tem-
pora incolis destitutam probaret. At D. Ciantar Scriptorum testimonia
vel mutilare vel invertere edoctus, Porphyrogenitum quoque infido cala-
mo calumniatus est. Clarissimus ille Imperator cap. xxix. scripsit, habi-
tatoribus vacuum Insulam *Meletam*, quam hodie *Melada* vocamus, &
que inter insulas occidentales Dalmatiæ jacet; namquam vero Melitam
nostram Illyricam, vel desertam vel habitatoribus destitutam dixit, at
contra veritatis evidentiam D. Ciantar affirmavit. Porphyrogenitus
cap. xxxvi. Insulas *Meletam* (quæ nostra est) *Curcuram*, *Bartzum*, &
Pharum, omnes pulcherrimas fertilissimasque vocat; quin etiam eodem
loco, *Meletam nostram* asserit a Divo Luca in Actis Apostolorum nomi-
natam, & *Melitem* vocat, ubi & *serpens D. Pauli digitum mordens ab eo
excussus, igne consumptus*. Quid itaque sentiendum est de D. Ciantar,
qui falsa Appiani versione, usus est, quive ut Melitam nostram Divi
Pauli temporibus, incolis destitutam probaret, Porphyrogeniti testi-
monium advocavit, quum iste Clarissimus Imperator apertissimis verbis
haud dumtaxat illam vocet pulcherrimam fertilissimamque, verum etiam
in Actis Apostolorum nominatam Melitemque vocatam asserit, & Di-
vum Paulum ab ea exceptum doceat? Ea est Afromelitenisium Propugnato-
rum fides, ea diligentiæ, ut mutilatos, inversos, falsosque Scripto-
rum

rum textus depromant, & fingant; ut infido calamo decerent, ut fabulis & commentis veritatem obtinebant. Cum ejusmodi itaque novatoribus pugnare, nec juvat, nec decet; illi enim voluminum mole, verborum copia confisi, in eo toti sunt, ut Apologeticæ Dissertationes conscribere videantur, ut in obsequium Afronitæ scribant, ut incautos decipiant, & tandem ut universalibus præjudiciis fusciti, prima Geographiæ elementa evertant. Si incii erant, ignoscimus, si vero ex consulto, miramur.

EXERCITATIO IV.



Psa Divi Lucæ navigatio, Adriam suis finibus & Euroclidonem suæ divisioni dabit restitutos. Sacer Historiographus in Actibus Apostolorum cap. xxvii. sic habet.

Vers. 7. Subnavigantes Cretæ juxta Salomonem.

Vers. 8. Et vix juxta navigantes venimus in locum quemdam, qui vocatur Boniportus, cui juxta erat Civitas Thalassa.

Pro Thalassa, quam Vulgata præferret, Græca habet *Λαμία*, quam nos *Jera-petram* usque in hodiernum diem vocatam censemus, illa enim refertur ad *Λαί* Græce *petra*, vel *lapis*.

Vers. 12. Et cum aptus portus non esset adbiendum, plurimifuerunt consilium navigare inde si quomodo possent devenientes Phœnicem biemare, portum Cretæ respicientem ad Africum & Corum...

Qui fuerit portus ille Phœnicis ardua profecto res esset, vaticinari. Philomaltenes statuunt Phœnicem, qua parte hodie *Sfacchia* jacet. At quid in *Sfacchia* Phœnicem quærimus, quum ex parte orientali *Cassri Selini* usque ad hæc nostra tempora stet locus, quem vocant *Eenice* & quæ Claudam & Anticlaudam (*Gozzo & Antigozo*) recta ad Africum, & respectu Promontorii quo Creta in occidentem terminatur; oblique respicit ad Corum. Hoc de *Sfacchia* minime (nisi subverso Cretæ cardine) demonstrari potest. Quod nisi de *Fenice*, quam nos dicimus, Divum Historiographum locutum intelligamus portum illum respicientem *Africum & Corum*, impossibile erit invenire; quod vero impossibile sit, rationem damus.

1. Creta ab Oriente æquinoctiali, se profert recta in occidentem.
2. Corus Cretam oblique spectat, ex parte illa quæ ad Septentriones inclinatur; quomodo igitur portus in australi parte eorum respicit?
3. Creta ad Occidentalem partem, a recta directione paullulum deflectit ad Corum; at cum *Sfacchia* haud sit in ea Insulæ parte quæ inclinatur ad Corum, cumque claudatur promontorio sive acra occidentali, quæ portum efficit in austrum versa, nullibi Corum spectare potest portus, qui clauditur arca occidentali austrum respiciente.

4. Feni-

4. Phenices quam nos dicimus, cum in illa australi parte sit, quæ paulatim ad Corum deflectit, cumque nulla occidentali acra claudatur; nullus dubitandi locus superest quin eam ipsam a Divo Luca memoratam esse serio teneamus.

5. De hac Cretæ positione fidenter loquimur; testes enim sumus ex visu, haud vero vel ex auditu vel ex inspectione Tabularum, quæ Cretæ delineationem exhibent.

Sequitur Sacer Historiographus.

Verf. 13. *Aspirantes autem austro existimantes propositum se tenere, cum sustulissent de Asson legebant Cretam.*

Philomaltenenses, inter quos D. Ciantar, statuunt Phenicem, qua parte Sfacciam jacere docuimus, *Asson* vero in medio Cretæ quasi spectat austrum, inter insulam parvam hodie vocatam *Cabra*, & acram dictam *Aquusa*; at non docent, quandonam illuc D. Lucas pervenit, qui tantum, ait, eos venisse in locum quemdam, qui vocatur *Boni-portus*. In hoc non levi nodo, visum est multis doctis viris illud Græce scriptum *ασον* prope reddere; sic enim ipsa quæ sequuntur verba postulare videntur & syntaxis tuta, & oratio fluida efficitur scribendo *cum sustulissent, prope legebant Cretam*.

Sequitur Sacer Historiographus.

Verf. 14. *Non post multum autem misit se contra ipsam ventus Typhonicus qui vocatur Euro-aquilo.*

Sic in vulgata legimus, Græca vero habet *Ευροκλιδων*, quæ vox tota Græca est.

Hugo Grotius, docet *Ευρακλιδων* descivisse in *Ευροκλιδων* ex Librarium negligentia. Res quidem auctore tam clari nominis haud digna est; quis enim inficiari potest in disquirenda autographi veritate, linguae non modo favendum, sed standum esse? Quod Græce scriptum est Græce legi debet, neque licet in Codice Græco corrigendo latinam vocem per vim intrudere, ut est *Aquilo* cum Græce legi possit *Euroclidone*.

Romani Civitate Eurum donaverant, ita ut Euris Græcus apud Romanos Scriptores passim reperiatur; sed apud Græcos Aquilo Civitatem haud obtinuerat, ut ille Romanus Euro Græco permisceri posset, & Græcus Scriptores vocabulum Romano Græcum conflaret.

Typhonicum ventum, qui quemlibet procellosum ventum significare potest, Divus Lucas speciali nomine indigitat, scribendo *Ευροκλιδων*; ibi enim *κλιδων* Typhonicum consonat, nempe fluctibus æstuantis, quod proprium est Euri (*Sirocco*) qui ex aperto, atque alto Mari veniens ingentes fluctus volvit cietque; secus autem Aquilo, qui ventum ex duplici vento conflatum reddit, ejus vero *χαρακτήρα* non explicat. *Ευρος* respondet vento; *κλιδων* vero Typhonicus, ita ut in Euroclidone & ventus, & ejus *χαρακτήρ* explicetur. Quod si Vulgata pro Euroclidone, habet Euroaquilonem, id factum est, ut furor Euri exprimi posset, qui Aquiloni assimilatus, haud vero per Aquilonem explicatus a Vulgata videtur.

Illud vero: *Misit se contra ipsam*, Philomaltenenses & multi Interpretum explicant contra navim, vel contra proram Navis. At huc usque

usque quoniam loco Divus Lucas Navim nominavit, ut *ἡ ἰψὴ* vel *κατ' αὐτῆς* ad Navim referri possit?

Ultima vox substantiva a Divo Luca usurpata, est *ἡ λεγεβαν Cretam*, & ad Cretam referri debet *ἡ contra ipsam*: sic enim suadet Latina syntaxis. Græca vero lectio tota a nobis stat.

Divus Historiographus, in illa tempestatis, & naufragij clara brevique narratione, sæpe Navim nominat vocabuloque utitur generis neutrius *τὸ πλοῖον*, quod Latine redditur *Navigium*. Si itaque *κατ' αὐτῆς*, ad *πλοῖον* referre voluisset, dicendum foret *σῆμινον* cum neutro a Sacro Historiographo fuisse concordatum. Cum vero de Creta intelligimus, *κατ' αὐτῆς* ad *κρήνη* *σῆμινον* generis, paullo ante nominatam apprimè refertur.

Utro fatemur a D. Luca Cap. XXVII. Vers. 41. Navim nominari *ἡ ταῦς*, at hoc una tantum vice factum legimus, eoque loco, qui maxime distat a controverso. Illud *κατ' αὐτῆς* legimus in Vers. 14. at in

Vers. 15. *συναρπασθεὶς δὲ τὸ πλοῖον*

Vers. 17. *ὑπαρκαυμένης τὸ πλοῖον*

Vers. 19. *τῆς σκίου τοῦ πλοῖου*

Vers. 22. *πλὴν τὸ πλοῖον*

Vers. 37. *ἐν τῷ πλοῖον*

Vers. 38. *τὸ πλοῖον*

Vers. 39. *τὸ πλοῖον*

Vers. 41. *τὴν ταῦς*

Videat itaque unusquisque, an præterlapsis tot versiculis, in quibus D. Lucas *τὸ πλοῖον* generis neutrius nominat, versiculum 14, cum versiculo 41. potius, quam cum 15. Vers. 19. 22. 37. 38. 39., sine maxima Divi Historiographi injuria possit concordare.

Sequitur Sacer Historiographus.

Vers. 15. *συναρπασθεὶς δὲ τὸ πλοῖον*. Cumque arrepta esset Navis, *ὅτι non posset conari in ventum*, data Nave statibus ferebamur.

Græca habet *ἐπιώτρης* id est *concedentes* ferebamur.

Spirante Austro legebant Cretam, ex quo hæc duo evincimus. 1. Ex positione, & directione oræ Cretensis, quæ spectat Austrum, proram Navis recta ad Occasum Æquinoctij fuisse versam: 2. Quod maxime animadvertendum esse censemus Navim haud procul a terra navigasse, *legere* enim Cretam non est altum tenere Maris Tyretici.

Exorto itaque, vel contra ipsam se mittente vento Typhonico, *ἡ ἰψὴ* diximus intelligi Cretam, quod sic evincimus.

I. Intelligi nequaquam potest directæ contra Navim, quæ cum proram non nisi ad Occasum directam habere posset, in ea in qua erat itineris necessitate; ejus prora obtundi non poterat vento, qui vel Euro-Aquilo, vel Euroclidon esset.

II. Prora directæ ad Occasum (*a Ponente*) haud potest sibi dicere contrarium ventum *Greco Levante* ut Philomaltenfes vaticinantur, vel *Sirocco* ut nos evincimus: uterque enim ex his a tergo Navim impulsisset: *Greco Levante*, dimidia venti divisione, in latus flexus, & *Sirocco* integra divisione a tergo obliquus; ita ut hoc vel illo flante

te

(XLVII.)

te recta in Occidentem Navis vergere posset , in cujus assertionis nostræ testimonium , evidentiam ipsam advocamus .

III. Cum *non contra ipsam* , repugnante evidentiâ intelligi non possit contra proram Navis , ex ipsâ evidentiâ ventum contra Cretam fuisse affirmamus .

Quo posito , atque concesso (negari enim haud potest) expendamus ventos , qui contra Cretam se mittere poterant , in illam Cretæ partem quæ Austrum spectat , quamque Divi Lucæ sive Divi Pauli Navis legebat . Exposcimus vero a benevolo Lectore , ut omnem obijciendi animum cohibeat , donec absolutam consectamque explanationem , objectionesque purgatas exhibeamus .

Venti qui ex Australis parte , contra Cretam se mittere poterant , sunt , vel Eurus (*Sirocco*) vel Notus (*Ostro*) , (vel Lib.) (*Lebecchio*) : Cardinales & Principales ventos intelligimus , collaterales vero , ipsorum lateri adjacentes , absque peculiari nomenclatione , vel silentio ipso indicamus . Eorum vero apud antiquos Scriptores , vel qui D. Lucam antecesserunt , vel ejus ætate scripserunt , satis patet eundem fuisse qui hodie *Sirocco* dicitur . Hoc eruditissime docuit noster Georgius . auctoritate Aristotelis , Thimosthenis , Agatemeri , Vitruvii , Varronis , Strabonis , Senecæ , Columellæ & ipsius Plini , qui Græcos Latinosque se secutum esse profitetur .

Philomaltenfes *Homerum* advocant , qui quatuor dumtaxat ventos , eosque Cardinales , in quatuor Mundi plagis statuit , at D. Lucas *Africum* & *Corum* nominat , qui in nudo Homeri pinace haud nominantur , ergo *Homerum* non est secutus .

Proinde ad *Favorinum* confugiunt , qui inter pocula de ventis blateravit , neque seipsum intellexit quum *Corum* adversus *Aquilonem* , deinde adversus Eorum statueret . Ebrii , & Bilinguis Auctoris testimonium in Popinis propinantibus damus . Neque Divum Lucam primi Sæculi Scriptorem , secutum fuisse Favorinum , qui secundo Sæculo vixit , aliquis affirmare poterit , nisi fortassis Favorino propinanti plaudere didicerit .

Sed ex enumeratis , *Euro* , *Noto* , & *Liba* , videamus quisnam ille fuerit , cui *Paulina Navis* concessit .

Creta , ut & alibi docuimus , ab Oriente *Æquinoctiali* vergit recta in Occidente *Æquinoctii* , usque ad dimidiam insulæ partem , quæ versa est ad Austrum . A dimidia parte usque ad Criumetopon (capō S. Giovanni) paulatim inclinata deflectit ad quartam divisionis partem , quæ inter *Æquinoctialem Occasum* est , nempe (a Ponente una quarta al Maestro VV. B. N.)

Spirante itaque levi Austro , Navis Paulina non nisi in Occidentem se derigere poterat , ut Phenicis portum attingeret , qui in Occidentali Cretæ parte Austrum spectante , jacebat . Licet vel Austus sit contra Cretam , tamen cum levis esset , in illum Navis conari poterat absque periculo in terram decidendi : conari vero dicitur , *Andare di Borina* , & in terram decidere , *Sottoventarsi* . Austus ergo haud fuit ventus ille Typhonicus . Libamne vel Africum fuisse dicemus !

(XLVIII.)

dicemus? At neque Eurus Africo permisceri potest, neque Navis excurrere potuisset in Insulam Claudam, quæ Occidentalis est; ut aperte demonstrabimus: Africo enim flante, Navis quæ Cretam *legebat*, nullibi in Occidentem vergere potuisse.

Eurus itaque ex necessaria consequentia fuit ventus ille, qui misit se contra Cretam; nempe *Sirocco*.

Experientia quippe docet, ventum ab Austro sive Noto, gradato pinacis Ordine transire ad Eum, unica divisione venti transmissa, ad Aquilonem vero, duplicem divisionem cum dimidia, saltare quodammodo debuisset. At nec integra divisione intercurrente, ventus vento collateralis est, neque ventus ex Euro & Aquilone, nisi monstrofa conjunctione conflari potest, neque quod potissimum est contra Cretæ Australe littus, flare dicitur vel dici potest *Greco Levante*, qui ab Oriente per Cretam descendit.

Licet vero alicui mirum videri possit, Navim Paulinam cum in Occidentem vergeret, & Occidentali Cretæ portu potiri conaretur, Austro flante Navigasse, exorto vero Euro, sive Sirocco, qui a puppi in Iarus flexus secundis velis Navim, impulisset, tempestate jactatam omnem assequendi portus spem amisisse, tamen paucis perpensis enucleatam rem, quæstionemque omni nodo solutam dabimus.

Flante levi Austro Navis terram legebat in Occidentem vergens, ut Phenicis portum obtineret, quem ad hiemandum comoda statione patere, ex ipsis D. Lucæ verbis colligimus.

Navis itaque in Occidentem vergenti, & prope terram naviganti, ventus quem Philomalteneses statuunt & *Greco Levante* nominant, adeo secundus, adeo propitius spirasset, ut nautæ nihil, quod magis optare possent haberent, eo enim uti potuissent absque periculo incidendi in Syrtis, sive in Vadosa loca Littori proxima; ventus quippe qui per oram Cretæ descendit in eadem Littora Navim haud impellit, & Nautæ apertum sinistri Maris excursum habentes, tuta navigatione ad Phenicis portum accessissent. Flante vero Euroclidone, sive *Sirocco*, qui procellosus est, & exprimit ventum Typhonicum, Navisque Cretæ littora *legebat*, obliquo vento latus ejus impellente, statim vento concessit, ne in littus delaberetur. Tunc vero concessisse dicitur, quum impellentibus undis, & increbescente vento, occidentem versus quo tendebat, nolens volensque iter direxit, relicta amissaque spe portum attingendi. Ut autem portum obtinere posset, qui Africum & Corum respiciebat, in ventum conari debebat, nempe per flexus deflexusque, acras quibus portus claudebatur superare. Si enim fauces respiciunt Africum & Corum, Alveus sive centrum portus, ut recta Occidentem spectet est necesse, at si Occidentem spectabat, ergo ingressus nullibi dari poterat, nisi prora in Orientem directa, prora vero in Orientem minime dirigi, poterat, nisi faucibus superatis, fauces vero superare, & portum ingredi non dabatur, nisi leni vento, & quieto mari navigassent.

In ventum Navis tunc conari potuisset, cum inflexo cursu, absque periculo in terram decidendi, quod est (*Sottoventarfi*) neque venti furor, neque fluxuum impetum metuisset,

Eluci-

(XLIX.)

Elucidatur itaque explicatio nostra ab ipso cursu , quem Paulina Navis tenebat. Prora enim ad Occidentem directâ , æstuantibus undis , furenti vento , haudquaquam Navis in ventum conari poterat , conari vero in ventum intelligimus , ut intelligendum est , per flexus , & deflexus navigare , quod vulgo dicimus , *bordeggiare*. Falso itaque docent quicumque docent , ventum fuisse rectâ , & ex adverso contra proram Navis , quam cum Orientalis ventus esset , vel rectâ a tergo sive puppi , vel oblique ad primum puppis latus impulisset .

Falso docent , ventum illum fuisse *Greco Levante* , qui neque fluctus eleve- potest juxta littora Cretæ , neque Navim in eadem littora impellere , neque contra Cretam flare , cum ab Oriente per Cretam descendat .

Nihil nobis obijci posse censemus ab iis , qui positionem Cretæ norunt ab Oriente in Occidentem . Flante enim Austro , non nisi in Occidentem Paulina Navis cursum dirigere poterat , si cursum , & prora in Occidentem , haud profecto contra ipsam ventus ille Typhonicus qui erat Orientalis , si haud contra proram , ergo ex necessaria , & evidenti consequentia contra Cretam , si vero contra Cretam , Euroclidon ille , quem Vulgata exprimit aquilonari furori similem , Eurus , nempe *Sirocco* fuit , qui cum Australis sit , Cretam impetit .

Enimvero *non contra ipsam* intelligi debet *contra Cretam* , ut ex ipsa Syntaxi patet ; ut Cretæ positio docet ; ut directio Navis Paulinæ evincit . Quod si omnis alia explicatio , cum primis Hydrographici , & Anemographici Orbis principiis pugnat , & si contra Cretam , ut intelligendum est , ventum illum se jecisse intelligimus , Eurus sive *Sirocco* fuisse , velint nolint Philomaltenenses , necesse est fateantur . Exorto itaque Euro illo æstuant , & procelloso , cui Navis concessit , superato Criumetopon rectâ Adriatici nostri fauces , volens nolensque petere debebat .

Nunc iis quæ potissimum nobis obijci possunt ultro occurrimus .

I. Aliquis dicet nostram hæc methodum , quæ *non contra ipsam* explicamus , Eruditissimorum hominum , Doctissimorumque Interpretum explanationi adversari .

II. *non autem* Contra Cretam explicatum redolere videbitur quamdam novitatem , vi Grammatica expressam , omnes enim venti , haud solum ille Typhonicus , contra Cretam spirare dici possunt .

Ac primum nos aliorum interpretationem summo obsequio prosequimur , & veneramus , eos tamen qui asserunt , ventum illum rectâ , & ex adverso proram Navis retudisse , fidenter rejicimus . Argumenta , rationesque jam allatas , si hic iterum transcriberemus , molestiam lectori . Palinodiam & pro nostra opinione incongruam exhibere videremur . Accidit nobis in versione Gallica Actuum Apostolorum , a *Carerio Presbytero* . Oratoris edita legere , illud contra ipsam , redditum contra *Insulam* id est contra Insulam , at idem Scriptor , dum ventum contra Insulam recte indigitat , cum Philomaltenibus claudicavit , scripsitque nomen venti esse E. N. E. id est Græco Levante , quomodo vero laudatus Scriptor contradictorio calamo usus sit , miramur , nusquam enim contra Insulam flare dici potest E. N. E. , sive Greco Levante qui per Insulam descendit , imo a littore Insulæ flare videtur . Om-

nis itaque controversia de vento illo Typhonico, & de Euroquilone Vulgatæ evanescit, statim ac *contra ipsam*, ut Syntaxis Græcæ, atque Latina exposcit, contra Insulam Cretæ intelligimus.

Nunc vero ad objectionem veniamus, quæ asserit quemlibet ventum spirare contra Cretam. Hoc nos fidenter negamus: aliud enim est quod dicitur *contra* respectu directionis, aliud respectu positionis. Exempli gratia: Ventus ab Oriente *Aquinoctii* contrarius esset Navi in Orientem vergenti, respectu suæ directionis, nullibi tamen diceretur spirare contra Cretam respectu suæ positionis, quæ ab Oriente in Occidentem protenditur, & ventus ille diceretur per totam Cretæ longitudinem descendere, haud vero contra Cretam flare.

In hac Anemographica Area, Anemographi accuratiores consulendi sunt, qui non solum theoricæ meditatione, verum etiam præctica inspectione faciem aliis prætulerunt.

Inter hos *Gullielmus Dampier*, in Tractatu quem de ventis conscripsit, apertissime docet, ventos aliquando flare, *recta in oram*, aliquando *juxta*, & *deorsum per oram*, aliquando *oblique*, aliquando *angulum acutum efficere*: quæ omnia ad positionem Regionum referuntur.

Sic ille Cap. 2. Or vvwhether they are Shifting vvinds, do never Blövv right in on the Shoar, non right along Shoar, But goslanting Making an acute angle.

Cap. IV. Land Breezes are as remarkable as any VVind that I have yet treated of: they are quite contrary to the sea Breezes, forthose Blövv right from the Shoare, but the sea Breezes right in upon the Shoare.

Quæ nos sic reddimus. „ Sive sint variabiles Venti, nunquam „ flant recta in oram, nec recta secus oram, sed obliqui augulum „ acutum efficiunt.

„ Venti quos e terra flare dicimus, atque noti sunt, ac quivis „ alius ventus de quo hætenus egimus, ipsi absolute sunt contrarii „ ventis flantibus a Mari, propterea quod recta ab ora flant, ven- „ ti vero a Mari recta in oram.

Omnes itaque ventos, qui ex alto Maris flant recta in oram flare asserit laudatus Scriptor, quod vel nos asserimus de Euroclidone nempe de *Sirocco*, qui respectu Cretæ, ex alto Maris & ex aperto æquore contra illam spirat. Sed de *Greco Levante* Philomalthensium, hoc nullibi dici potest, qui per oram Cretæ, quæ ad Austrum est descendens inter ventos qui ab ora, vel secus oram, haud vero inter illos, qui ab alto & aperto Mari contra oram spirant, recensetur.

Nos itaque in Nautica, & Anemographica quæstione Nautas, & Anemographos consulimus, quorum auctoritate, atque experientia nitimur, quosque a nobis flare fidenter affirmamus.

Sed sequamur D. Lucæ narrationem.

Vers. 16. In Insulam autem quamdam decurrentes quæ vocatur Clauda, potuimus vin. obtinere scapham.

Vers. 17. Quæ sublata adjutoriis utebantur, accingentes Navim, vi- mentes ne in Syrtim inciderent, submisso vase sic ferebamur.

Sublata itaque scapha usi sunt adjutoriis, accingentes Navim. Ad- juto-

(LI.)

jutoria vero quibus utebantur antiqui erant plures tabulæ ad instar læi gubernaculi in unum compactæ, quas a lateribus demittebant, accingentes Navim, ut dextris & sinistris alis quodammodo librata, rectum quo dirigebatur cursum teneret. Illi vero, qui hunc locum, aliis explicant eruditissimis argumentis, nihil nobis succenseant; nos enim de adjutoris intelligimus, quibus uti nautæ consueverant, illi vero de iis, quæ fieri poterant intellexerunt. Haud latet nos; quassatas Navis, velis funibusque aliquando subcingi, sed ea quæ quassatæ Navi profunt adjutoria, an periclitanti Navi, ne quassari possit, profint, omnino dubitamus: constat etiam aliquando ad immorandum Navis cursum, funes, iisque alligata dolia a puppi demitti, sed an de iis, quæ nostris hisce temporibus fiunt, D. Lucas intellexerit, vaticinari nescimus. Adjutoria a nobis explicata veteris nautices documenta indigitant, illorum vero usum necessitatemque paucis evincemus. Navis qua vehebatur D. Paulus, erat inter Claudam & Cretam, ideoque timebant ne in Sytim inciderent, a dextra enim habebant vadosa Littora Cretæ, quæ ad Criumeton vadosa sunt a sinistra vero Claudam, Anticlaudam, & his proximam Sytim sub Mari aliquantulum latentem, idcirco adjutoriis utebatur, ne hac vel illac Navis deflueret, & a recto cursu in transversum delaberetur.

Qui vero Syrtes Africanas huc advocant, inopportuna, atque incongruam rem prestant, illæ enim ab Insula Claudia centenis M. pass. distant & ventus contra Cretam, quo Navis ferebatur minime eam in Africam pellere potuisset. Disertissime Georgius noster immoratus est, in explicanda atque elucidanda *Syrti*, nos tamen litem hanc uno verbo dirimimus, nam & vadosa Cretæ littora pro nobis stant, & Syrtis ipsa, quæ ad Claudam & Anticlaudam jacet, rem omnem prorsus conficit: hanc vero Sytim & Nauticæ tabulæ exhibent & nos ipsi non procul ab ipsa, semel & iterum navigavimus.

Tabulæ Nauticæ, & Hydrographicæ consulendæ sunt omnibus iis, quibus animus est sententiam ferre in hac causa; neque vero standum est vel didendum tabulis, quæ tantum quatuor Mundi plagas, videlicet quatuor ventos exhibent, sed nautico pinace ventorum, & diligenti circino sedulo expendenda est, & emetienda marium terrarumque positio, ut nostra quæ attulimus argumenta, vel intelligi, vel si error aliquis irrepsit, refelli possint. Nos accuratissima directione Paulinam Navim, inter Cretam, & Claudam statimus; Claudia vero cum Anticlauda, & Syrti latente, occidentales sunt respectu Cretæ totius, velint nolint doctissimi Philomaltenses; respectu vero Promontorii Criumetopon, australes vocantur: nobis enim ipsis ex visu constat, a primo occidentali Cretæ Promontorio, in orientem vergentibus, vix decem mill. pass. transiissis, Claudam occidentali a tergo relictam.

Sequitur D. Lucas.

Verf. 18. *Valida autem nobis tempestate jactatis, sequenti die jam fecerunt.*

Verf. 19. *Ei tertia die suis manibus armamenta posceverunt.*

Navis licet vento cessisset, tamen exagitata fluctibus & ab uno in alterum latus jactata, quidquid ponderis vel impedimenti, in superiore

ejus parte supererat, nautæ projecerunt, ut alleviata, fluctibus minus obrueretur; nam & submisso vase, nempe *deductis vel demissis velis* ferebantur, & transvecti ultra Criumetopon, experientia docet ventum ab Euro ad Austrum deflectere. Quod vero Euras ad Austrum deflexerit, sic evincimus. 1. Superato Criumetopon, & patente *Ægea*, ventus qui ipsa Cretensi ora continebatur, aperto æquore in rectum se proferre solet 2. omnis Typhonicus ventus, sedato primi furoris impetu, eo redit, unde exoritur est, & qui ab Austro. gradatim ad Eurum ascendit, ab Euro ad austrum per eisdem gradus retroagitur.

Ut tamen Philomaltenes ipsos pudeat, tot tantamque cavillationum, habeant ventum illum quem amant *Greco-Levante*. Ab hoc vento correptam Navim recta in Africam ducant. Meminorint proinde tertio die armamenta Navis fuisse projecta & brevidupputatione horas duorum tantum dierum in unum colligant; navim (ut declinate, molliter, & parce cum illis agamus (tria milli pass: singulis horis emensam statuunt: proinde (sic Divus Paulus eos adjuvet) doceant nos, ubinam tertia die Navis fuerit; quomodo cum juxta Claudam esset, Syrtim Africanam timebat, cum vero in Majorem Syrtim impigisset, ut impingere debebat Syrtis nullibi memorantur? Quomodo igitur evasit? quomodo post quartadecimam diem ad Melitam Africanam pervenit? quomodo tandem, quod peculiari observatione dignum censemus, ipsam Melitam Africanam non agnoverunt nautæ, cum seise scirent in eo Adria esse, quem Philomaltenes fingunt, & in quo nullæ aliæ Insulæ, præter Melitam, & Siciliam occurrunt?

Sed sequamur D. Historiographum.

Verf. 20. *Neque autem Sole, neque Syderibus apparentibus per plures dies, & tempestate non exigua imminente, jam ablata erat spes omnis salutis nostræ.*

En Paulinæ Navis iter facili, obvia, & nautica methodo explicatum, nos enim illam recta ducimus, at advenarii per flexus, & deflexus, nunc in Africam nunc in Aquilonem choreas agentem, necesse est ut vaticinentur, & ex falso suppositis hypotesibus falsas consequentias eliciant:

— Hactenus nos, abique fictitiis commentis, nuda literali explicatione usi sumus; explicationem vero nostram, evidentia argumentis fulciri quis inficiabitur? Philomaltenes sacris Historiographi verbis inhaerentes

putant Navim haud potuisse conari in ventum (*andar di borina, o reggiare*) prima die, cum procellosus adhuc non sæviret; exere-

— vero vento, æsquantibus undis, jactu facto, armamentis projectis, illic ducunt! At si Navis per flexus deflexione in ventum conari

posset, quidnam causæ fuit, quin prora directa inter occasum æqu-

–alem, & ætivum, Catanam vel fratrum Messanæ non obtinuerit?

Sic vero ventus ille fuit Aquilonaris, quomodo obitutum cælum uti

neque Sol, neque Sydera apparerent, equum Aquilonarem ventum ad *Spauritu* appellatum sciamus, quod sit serenam; licet enim, in ipso ven-

ti exordio densa quodammodo caligine Cælum comprimi videamus, vix

tamen unius diei spatium transmissio, ea venti vis est; ut in hoc nostro

Mediteraneo Mari, serenum Cælum efficiat. Hæc est Septentrionalium

ventorum stabilis quædam natura, illi enim e terra dantes nullos aqua-

rum.

rum vapores secum devehentes, sicco spiramine nebulas omnes expellunt: contra vero Australis ventus, ut *Sirocco* est, per latum Mare sese extendens, ipse madidus, aquarum vapore excrefcens, hubes affert quibus cœlum late comprimit, & obtenebrat.

Sequitur D. Lucas.

Verf. 27. *Sed posteaquam quartadecima nox supervenit, navigantibus nobis in Adria (Græca habet Διασωμενον ἢ ἢ τῇ Ἀδρία) circa mediam noctem suspicabantur nauta apparere sibi aliquam regionem.*

Sciebant itaque se esse in Adria, sed ut Philomaltenfes, somniant, cum Adria ex ipsorum mente sit usque ad Afromelitam prolatus, quâ ratione Divum Lucam, vel nautas latere poterat nomen illius Insulæ? In illo Philomaltenfium Adria nullæ Insulæ occurrunt, præter Siciliam & Melitam Africanam, utraque illis temporibus celeberrima, utraque in via quæ ducit ab oriente in occidentem, utraque stationibus patens, utraque notissima. In illo Adria erant, quem nova creatione Philomaltenfes Cretam usque perducunt, Jonio & Siculo pelago permiscunt; ad obviam, occasum petentibus, stationem accedebant: inter Siciliæ notissimum Promontorium, & Afromelitam jactabantur, ignorantes tamen quonam terrarum essent?

Perielitabantur ammissa omni spe salutis; cum tamen ad obviam stationem accederent? Jactabantur in ultimis Adriæ finibus, ut ajunt, & sese vel noctu in Adria esse sciebant, cum nescirent tamen, quo vel qua pervenissent, cum neque Siciliam, quæ vel cœcutientibus patet, neque Afro-Melitam quæ in illo Mari est, vel viderent, vel vias agnoscerent? Eurus Aquilo flabat, qui serenans vocatur, at nec Cœlum, nec stellas videbant?

Quid Philomaltenfes tot tantisque cavillationibus nos urgent, tantaque eruditionis copia nos obruunt, quum nuda, & simplici, at sana ratione, res enucleari possit? Si Paulina Navis secundis velis navigasset poteratne vitare vel fretum Messanæ, vel tractum illum Maris quod inter Siciliam, & Afromelitam est? Si vero fuisset in via, vel inter Siciliam & Afromelitam, vel in fretu Messanæ, quonam fato accidit ut cum in via esset, cum Afro Melitam tutissimam stationem petere posset, cum sese in Adria illo esse sciret, in quo Afromelitia, & Sicilia, jacerent, Divus Lucas scripserit, nautas neque noctu, neque die facto terram cognovisse? Docet Sacer Historiographus verf. 39. *Cum autem die factus esset terram non agnoscebant, & cap. 28. verf. 1. Et cum evassemus tunc cognovimus quia Melita Insula vocabatur.*

Quam quidem Nautarum atque ipsius Divi Lucæ ignorantiam, Philomaltenfes nullo modo excusare possunt. Concesso enim illo fictio ipsorum Adria, ipsi concedant necesse est, ab oriente venientibus clientibusque se in Adria esse, nullas occurrere Insulas, si Afro-Melitam, & Siciliam excipians.

Nusquam itaque nautæ, vel Divus Lucas ignorare poterant, quonam terrarum essent, cum sese in illo Adria jactari scirent, in quo Melita Africana & Sicilia, solæ occurrunt.

Netamen D. Lucam ignorasse ea, quæ scire debebat affirmemus, Paulinam Navim in hodierno Sinu Veneto, sive Adria, naufragium passam

fam esse, Paulumque Apostolum in Illyricam Melitam nostram evasisse, fidenter tenendum est.

Enimvero si Adriam in nostro *Adria* qui solus est querimus, nautarum, & ipsius D. Lucæ ignorantiam intelligemus: Cum enim in *Adria* tot Insulæ sint permixtæ, continuæ, invicem adhærentes, scire haud poterant, quamnam potissimum viderent, cum una ex centenis esse posset, quas videre poterant. Illyrica Melita est extra viam Paulini itineris, unde tempestas & naufragium probantur: inter plurimas Adriatici Maris insulas est, unde nominis ignorantia explicatur.

Ex recta itaque ratiocinatione meridiana luce clarius esse contendimus, Paulum Naufragum exceptum fuisse, a nostra Melita Illyrica quæ in *Adria* est, qui non hypoteticis fabulis sed omnium Sæculorum memoria, omnium sanæ mentis Scriptorum, consensu, intra Japygias Cerauniasque fauces clausus fuit, & nunc quoque clauditur, efficiturque hodiernum Sinum Venetum *Dominio Veneto desponsatum*.

Post vanas ridendasque fabulas, quas de *Adria* consingunt Philomaltenes, cum in prima veteris Geographiæ elementa se peccare sentiant, ad miracula confugunt, ut sacro quodammodo. & venerabili velamine, commenta cavillationesque de D. Paulo naufrago, obtegant & tueantur.

Docuit nos Sacer Historiographus, qui res gestas Scripsit, neque commentis explanandas, docuit inquam, Paulinam Navim naufragium passam esse in *Adria*, Paulumque Apostolum in Insulam quamdam, quæ Melita vocabatur, evasisse. Ut itaque *Adriæ*, & *Melitæ* positionem inveniamus, consulendi sunt veteres Geographi, inter quos illorum Dictator Strabo. Post Geographorum consulta, rerum evidentia continua temporum successione est quærenda. Nos itaque veterum Geographorum auctoritate *Adriam* Melitamque semper domi habuimus, & stabili rerum, & temporum serie nunc quoque habemus; posthac vero Philomaltenes decertare nobiscum audebunt, cum neque veteres Geographos habeant, qui ab ipsis stent, neque serie temporum ostendere, possint, quandonam ad illos *Adria* accesserit, vel quando recesserit: Hypotheses, commenta, fabulæ, adversus Scriptorum, & Geographorum auctoritatem, adversus evidentiam ipsam, aliquid audebunt?

Docet Sacer Historiographus Serpentem D. Pauli digitum mordentem, ab eo in ignem excusum, igne conflagrasse. Nos in nostra Melita Illyrica vel nostris hisce temporibus, serpentes veneficos habemus, cum in Melita Africana nulli sint: unde evidentia ipsa pro nobis stat, docetque Apostolum in hac nostra Insula fuisse, quæ serpentibus abundat, haud vero in illa Africana, in qua nulli sunt.

Contra evidentiam miraculum afferunt Philomaltenes, ajuntque, Paulum Apostolum, serpentes in *Afro-Melita* veneno expoliase. At quibus argumentis hæc probant? *pia credulitate*. Divus Lucas accuratissimus Scriptor, ne verbum quidem nobis reliquit, quo infigne miraculum, tantummodo conijci possit.

Glossopetras, aliosque naturæ quodammodo ludentis afferunt abortus, terram alexipharmacam jactant, & miracula fingunt in iis, in quibus imperitæ multitudinis admiratio, vix locum obtinet. Necessè tamen est, ut vel Miraculum Catholice probent quod nunquam efficient, vel
in

in nostram Melitam Illyricam Paulum Apostolum, evasisse fateantur, in qua serpentes veneficos habemus.

Post discessum D. Pauli ex Insula Melita in quam evaserat, Navim qua vehebatur, Syracusas devenisse legimus, hinc Philomaltenſes evincere conantur a consequentibus, Apollolum e Melita Africana discesſiſſe; at ſi diſceſſit, ergo & pervenit.

Argumenta, a conſequenti, tunc aliquid ponderis acquirunt, cum antecedentia vel dubia, vel obſcura ſunt, at quaſtio de Adria dubiane dici poteſt, quæ veterum Geographorum auctoritate ſulcitur? quaſtio de Serpentibus, obſcurane dici poteſt, quæ ab evidentia præſenti comprobatur?

Argumenta a conſequenti, ut aliquod pondus habeant, haud dumtaxat neceſſe eſt, ut antecedentia ſint vel obſcura, vel dubia, ſed ipſam conſequentem adeo clarum, adeoque apertum eſſe debet, ut neceſſario ad antecedens referatur.

Quod clarum, quod apertum eſt in conſequenti (nempe in Syracuſis) id eſt, ex quo Navim qua D. Paulus vehebatur, Syracuſas perveſſe colligimus, at unde nam diſceſſerit, nullibi evincere poſſumus. Cauſæ exquirendæ ſunt, quibus navis adducta ſolet aliquando portum arripere. Tres potiſſimum eſſe dicimus: Negotium aliquod expediendum, Comeatum apparandum, ventum denique contrarium. Eligant ſibi Philomaltenſes unam ex his, quam Navi e Melita Africana potius quam ex Illyrica diſcedenti tribuant. At qui facient? ſi idem de utraque intelligi poteſt. Urgent tamen, ajuntque, Syracuſas Melitæ Africaneſſe proximæ. Etto: ſi Divus Lucas a Melita a qua diſceſſit, uſque ad Syracuſas tantum temporis impendiſſe ſcripſit quantum a Melita Illyrica haud impendi poteſt, cauſæ cedimus, at ſi Sacer Hiſtoriographus nulla temporis habita ratione, diſceſſum tantummodo & adventum indigitat, quoniam jure Philomaltenſes, ex indeterminata re, determinatam elicere poſſunt? Dicent fortassis, D. Lucam poſt diſceſſum a Melita Illyrica, nullas terras nominaviſſe, cum multas nominare potuiſſet? Ad hæc nos reponimus, D. Lucas poſt Syracuſas Rhegium devenit; ſed neque Catanam neque Taurominium, neque Meſſanam nominavit, cum nominare potuiſſet. Totius quaſtionis centum eſt Adria, in illo torti ſint Philomaltenſes, & ex ipſo Ptolemæo ſi Melitam Africanam in Adria aliquando fuiſſe evincunt, habeant Paulum Apoſtolum nauſtagum, habeant miracula ſerpentum, habeant, canantque victoriam, & nobis impune inſultent.

De Publici Episcopatu multa Philomaltenſes diſſerunt, at in hiſtorico textu elucidando, ſomnia quædam, piaſque conjecturas proſus reiicimus. De Traditionibus vero, quas a Patre in Filium ad hæc noſtra tempora deveniſſe aſſerunt quid ſentiendum ſit, docent nos domeſticæ ejusdem generis, quas habemus traditiones, docet nos ipſius Porphyrogeniti teſtimonium, quo aſſerit D. Paulum Apoſtolum a Melita noſtra, poſt nauſragium fuiſſe exceptum.

Monumenta qua Philomaltenſes jactant in Afro Melita, Momem ſcilicet, ſpecum, & his ſimilia, vulgæ credulitatis ſigna, potius quam veritatis argumenta eſſe dicimus. Aliud enim eſt credere Paulum in

(Afro-

Afromelitam evasisse; & ejusmodi credulitatem fulcire monumentis, aliud vero Paulum in Aframelitam evasum, validis argumentis demonstrare. Illyrici nostri Melitenfes, quorum Deus intuetur Cor, nulla pie crudelitatis jactant, vel fingunt monumenta, Acta vero Apostolorum quæ Catholica fide, haud vero pia credulitate fulciuntur, quæve Divum Paulum Apostolum, in *Melitam Adriaticam* evasisse docent, veritatis argumento, & sacra quodammodo evidentia, pro nostra Melita stant, efficiuntque monumenta ea, quæ neque Nobilitate nominis, neque potentia armorum, neque cavillationibus sophismatum, neque fallacia hypotheseum deleri possunt.

Quanam vero ratione factum sit, aliquis mirabitur, ut ad hæc nostra tempora, nondum satis constet quænam illa Melita fuerit, quæ D. Paulum excepit. Is profecto qui Melitæ nostræ obscuritatem cum nobilitate Melitæ Africanæ contulerit, qui Scriptorum testimonia Africanæ Melitæ faventia, nobilitati potius, quam veritati tribuerit, qui vel negligentiam, vel fortassis ignorantiam Scriptorum dijudicaverit, qui præjudicia vulgi & Melitæ Africanæ celebritatem noverit, qui in Melitæ nomine, haud vero in *Adria-Philomaltenfes* desudasse icierit, haud mirabitur Melitam nostram Illyricam, obscuram, & Scriptoribus ignotam, vel neglectam, vel contemptam fuisse, & exinde factum, ut speciosa falsi-gia potius quam veritatis fundamenta spectarentur.

F I N I S .

NOI RIFORMATORI DELLO STUDIO DI PADOVA.

A Vendo veduto per la Fede di Revisione, ed Approvazione del *P. F. Gio: Paolo Zapparella* Inquisitor General del Santo Ufficio di Venezia nel Libro intitolato *Exercitationes Geographicae de Naufragio D. Pauli Apostoli, ejusque adventu in Insulam Melitam Illyricam, sive Mare Adriaticum Auctore Stefano Sciogliaga MS.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi e buoni costumi, concediamo Licenza a *Francesco Pitteri* Stampator di Venezia che possi essere stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 15. Maggio 1757.

(*Zuane Querini Proc. Rif.*(*Barbon Morosini Proc. Rif.*

Registrato in Libro a Carte 8. al Num. 59.

Giacomo Zuccato Segr.

Adi 20. Maggio 1757.

Registrato nel Magistrato Eccellentissimo degli Esecutori
contro la Bestemmia.

Francesco Bianchi Segr.



MAG 2017698

